

困學紀聞補註

四明張氏約園開雕

序

王尚書攬玉海二百六十五卷之菁華而爲紀聞二十卷自識云困而學之炳燭之明是其書成於晚年既博且精或擬以演繁露或等諸野客叢書皆非其匹也自閻潛邱而後有三箋本有七箋本至萬氏集證翁氏輯注出益爲學者所推重然箋注雖多俱不能及鄉前輩謝山先生 先師給諫張先生生謝山後百餘年當耶潛時讀是書旁搜宋人說部及惠王諸經說博觀而約取蠅頭細字戢齋簡端意在厚集諸儒遺言以發明尙書之遺志所謂識其大者非徒考據之學也世兄詠霓珍重手澤錄爲補注二十卷令漢章序之而當 先師存日正如紀聞所僞唐楊文簡公有論著未始一示人見卷十七故雖及門弟子有不及知者漢章向亦嘗合校諸家於其說之缺者補之誤者正之如蘇子鄒子董仲君及宋人張洞周子靜陸亦顏等頗有所發明然皆不過識其小者耳向若得以所校者就正於 先生或如對菲之下採庶幾太史公所謂附驥尾而名益彰焉哲人既萎吾將安仰此序成而不禁悵悵以悲者也丙子春

象山陳漢章謹撰

困學紀聞補注序

一四明叢書  
約圖刊本

困學紀聞補注卷一

清鄭張嘉祿肖菴著

男壽鏞校刊

易

履霜戒於未然 案宋劉荀明本釋防微者銷患之本引王荆公謂壞崖破巖之水源自涓涓干雲蔽日之木起於青葱禁微者易救末者難又引楊龜山曰未至乎堅冰而卒乎堅冰者理之必至也辨之者不于始凝之時至于堅冰而後辨則鮮不及矣若魯昭公

困學紀聞補注

卷一

一四明叢書

約園刊本

高貴鄉公是也 案劉荀字子卿與朱子同時 翁

注引司馬溫公易說曰履霜堅冰君子攘惡於未芽

杜禍於未萌 案晁公武郡齋讀書志溫公易說一

卷司馬光君實撰雜解易義無詮次未成書也

易曰括囊无咎无譽姚注引呂成公史說曰 壽籍案史說當爲易

說之 誤云云 案四庫全書總目易類存目一東萊易

說二卷舊本題宋呂祖謙撰朱彝尊經義攷亦列其

名今勘驗其文實呂喬年所編麗澤論說集錄之前

二卷書賈鈔出以售偽非祖謙所自著也

言行可以欺於人而不可以欺於家 案明本釋武陽  
朱漢上謂言行有法而家人化卦終亦不過曰反身  
而已

五陽之盛而一陰生 案宋袁文襄牖間評卷八秦始  
皇初卽位漢高祖以是年生梁武帝殺東昏侯覆齊  
祚而侯景亦以是年生陰極陽生陽極陰生之理詎  
不信耶 閻注引劉元城語宋劉荀明本釋全引之  
元城名安世師溫公

張芸叟曰易者極深而研幾 案宋韓流潤泉日記曰  
張芸叟乃陳后山妹婿

困學紀聞補注 卷一

二四明叢書

約園刊本

八卦之說謂之八索 案玉海尚書序八卦之說謂之  
八索孔子讚易道而黜八索正義以易八卦爲主六  
十四卦三百八十四爻皆出於八卦就八卦求其理  
則萬有一千五百二十策天下之事得故謂之索非  
一索再索而已

此足以證孔馬之說翁注引隋書經籍志東晉豫章內  
史梅賾始得安國之傳奏之時又闕舜典一篇齊建  
武吳姚大興於大桁市得其書奏上比馬鄭所注多

二十八字 案析釋文敘錄史通作舩隋書作析尙  
書正義作航

彖卽文王所繫之辭也翁注引正義西鄰謂文王東鄰  
謂紂 案日知錄集釋雷氏曰鄭康成坊記注云東  
鄰謂紂國中也西鄰謂文王國中也班固幽通賦曰  
東从虐而殲仁案應劭注云東鄰謂紂顏師古注云  
从古鄰字是東漢時實有此說今遺佚耳

晁景迂曰體用本乎釋氏闕注景迂名說之 案晁說  
之宋史無傳

國學紀聞補注

卷一

三 四明叢書

約園刊本

清議廢風俗壞 案舊唐書穆謙光爲左補遺上疏是  
以李陵降而隴西慙于木隱而西河美日知錄卷十  
三詳載之

郭冲晦云闕注冲晦郭雍字姚注雍字子和 案澗泉  
日記卷中第十一頁郭子和易書其所長盡見之呂  
伯恭易音訓只是呂氏文字

帝乙歸妹 案惠氏棟九經古義虞翻以帝乙爲紂父  
苟爽以帝乙爲湯易乾鑿度孔子曰自成湯至帝乙  
湯之元孫之孫也此帝乙卽湯也殷錄質以生日爲

名順天性也元孫之孫外絕恩矣同以乙日生疏可  
同名湯以乙生嫁妹本天地正夫婦夫婦正則王教  
興矣故易之帝乙爲成湯書之帝乙六世王同名不  
害以明功

晁子止爲易廣傳 案宋史藝文志載公武易詁訓傳  
十八卷書詁訓傳四十六卷中庸大傳一卷春秋詁  
訓傳三十卷今佚不傳傳者惟郡齋讀書志

今其說見於李鼎祚集解翁注集解所採有蜀才 案  
顏氏家訓易有蜀才注江南學士遂不知是何人而

困學紀聞補注

卷一

四

四明叢書

約園刊本

蜀書云姓范名長生自稱蜀才

序卦上經不言乾坤下經不言咸恆 案澗泉日記卷  
中第十一頁晁子止云易上下篇不言德而言象蓋  
德不可見而象可驗是以不言乾坤而言天地不言  
咸恆而言夫婦也上篇始終于天道下篇始終于人  
事故上篇始于天地終以坎離下篇始于夫婦終以  
未濟也 宋志晁說之有錄古周易八卷易規一卷  
京氏易式一卷 宋志王昭素易論三十三卷今不

傳

高宗伐鬼方 案惠氏九經古義云周之荆楚商時謂之鬼方古文所謂次于荆者蓋鬼方之地也丙子學易編引蒼頡篇云鬼遠也又云鬼方言其幽昧也皆不以地實之此臆說也 揚子雲趙充國頌鬼方賓服李善注引世本注云鬼方於漢則先零戎也

河序龍馬洛貢龜書翁注引禮緯含文嘉曰伏義德洽上下天應以鳥獸文章地應以河圖洛書 案劉恕通鑑外紀亦宗禮緯含文嘉說羅泌路史鄭樵通志皆因之易大傳河出圖洛出書漢孔安國劉向父子

國學紀綱補注

卷一

五四明叢書

約圖刊本

班固俱以河圖授羲洛書錫禹宋邵子朱子並同

萑陸夬夬 案古經解鈎沈萑陸木根草莖剛下柔上

也子夏傳影萑陸獸名夬爲兌兌爲羊也孟喜章爨

宋本疏七後紀 萑陸一名商陸馬融易傳影一名章陸邱光庭

宋本疏七二 萑萑菜也陸當陸也宋衷注影宋萑蕒也陸商也

虞注影宋本釋文二 萑萑也虞注影宋萑說也萑讀夫子萑

爾而笑之萑陸和睦也虞注集前人以萑陸當陸爲

二草陸之爲葉差堅于萑萑根小陸根大董章句

家人卦辭曰 案周濂溪曰家人睽必起於婦人故睽

次家人以二女同居而其志不同行也劉荀明本釋引之

困學紀聞補注 卷一

六四明叢書  
約園刊本

困學紀聞補注卷一

困學紀聞補注卷二

清郵張嘉祿肖莽簪

男壽鏞校刊

書

三墳五典 案孔安國尚書序曰伏羲神農黃帝之書謂之三墳少昊顓頊高辛唐虞之書謂之五典

皋夔稷契有何書可讀 案楊升庵集四十八卷皋夔稷契所讀何書此言未足以折安石皋夔豈不學者耶若折之曰相公誤矣其工驩兜孔光張禹豈不讀書耶則能折其口而理亦協矣

困學紀聞補注

卷二

一 國朝明徵書

約園刊本

虞偁有九共篇 案群季宣書古文訓云伏生稱九共以諸侯來朝各述其土地所生美惡人民好惡爲之貢賦政教略能記其語曰子辯下土云云

舜讓于德弗嗣班固典引作不台 案史記作不懌徐廣曰今文作不怡怡懌也經義述聞曰不嗣之爲不怡爲不台皆以聲相近而通詩鄭風子寧不嗣音嗣韓詩作詒亦其證也

民儀有十夫 案古聲儀與獻通詳見經義述聞

高宗亮陰大傳作梁闇 案鄭注楣謂之梁闇廬也

欽明文思安安考靈耀作晏晏 案左傳安孺子漢書

古今人表作晏孺子古安晏字同

取費秦之誓猶詩之有魯頌 案書集傳引呂氏曰費

誓秦誓皆侯國之事而繫於帝王書末者猶詩之錄

商頌魯頌也

書序帝釐下土方設居方 案宋錢時融堂書解釐正

也帝既釐正下土每方各設居方之官以主之是亦

以下土絕句也

國學紀聞補注 卷二

二 四明叢書

約園刊本

儆戒無虞絜齋解云翁注引書錄解題絜齋家塾書鈔

十卷其子喬崇謙錄 案喬字宗謙嘗爲溧陽令

鳥獸踴踴 案蔡氏尙書集傳曰瓠巴鼓瑟而游魚出

聽伯牙鼓琴而六馬仰秣聲之致祥召物見於傳者

多矣況舜之德致和於上夔之樂召和於下其格神

人舞獸鳳豈足疑哉

此猶夔一足之說也 案孔子集語魯哀公問於孔子曰

吾聞夔一足信乎夔人也何其一足也夔通於聲堯

曰夔一而已使爲樂正故君曰夔有一足非一足也

孫星衍題魯語下今天  
聖明道本皆無此文 又引韓非子呂氏春秋略同

皋陶之面如削瓜 案淮南子修務訓亦云禹耳三漏  
皋陶馬喙 荀子非相篇仲尼面如蒙俱注楊倞曰  
方相也其首蒙茸故曰蒙俱

乃命重黎 案日知錄卷二十五辨重黎甚詳

史記引禹貢二百里任國王莽封王氏女皆爲任男任  
二字蓋通用姚注引惠氏九經大義謂今文尙書皆  
以任爲南 案段玉裁曰此今文尙書非以故訓易  
字也

困學紀聞補注 卷二

三四明叢書  
約園刊本

朔南暨爲句 案文選東都賦注亦以朔南暨聲教爲  
句

從先王居 案融堂書解先王帝嚳也自契以來屢遷  
及是成湯遷帝嚳舊都故曰湯始居亳從先王居也  
從孔 嚳管子侈靡篇史記封禪書俱作佹

仲虺有言曰 案荀子堯問篇曰其在仲虺之言曰中  
歸與仲虺同

盤庚之遷也 案宋葉大慶考古質疑卷一盤庚三篇  
乃因遷都告諭臣民而作爾史記則以爲盤庚弟小

辛立殷道衰百姓思盤庚作盤庚三篇

韓詩外傳以爲穀生湯之廷三日而大拱 案爾雅釋  
詁拱執也注兩手合持爲拱生七日而見其大滿兩  
手也 又曰此木也劉氏以爲屬草妖

說築傅巖之野 案傅巖在今山西平陽府平陸縣東  
北二十五里一名隱賢社水經注云沙澗水出虞山  
東南逕傅巖歷傅說隱室前俗名之爲聖人窟

西伯戡黎 案元李治敬齋古今注西伯戡黎奔告於  
受孔安國傳云受紂也音相亂然黎則今之黎城史

困學紀聞補注 卷二

四國朝議書

約圖刊本

記作耆何也豈以音相亂乎皆不可必也

論語釋文子有亂十人 案惠氏九經古義引子有亂  
十人本無臣字棟案書傳本云少仁人故疏云多惡  
不如少善上云受有億兆夷人是言至親之多子有  
亂十人是言仁人之少故論語引之以爲才難

往伐歸獸 案藝圃閒評卷一匡謬正俗載武成往伐  
歸獸獸字作獸字且云字林獸音火救切人之所養  
也若武王歸鹿華山之陽放虎桃林之野卽可言歸  
獸既是牛馬當依獸字本音讀之不得以作獸字一

邊便謂古文省簡卽呼爲獸也如此則是古文原作  
畧字想應唐明皇改爲今本尙書時未究畧字之義  
而增益之也今其下亦云本或作畧許救切益知古  
本作畧字無疑矣

或哲或謀 案洪範聰作謀經義述聞謂謀與敏同謀  
敏聲相近故字相通辨證甚詳

正義謂南巢 案南巢今江南廬州府巢縣東北有居  
巢故城

惟鄭康成以三監爲管蔡霍 案王氏經義述聞論三

監甚詳謂鄭氏之說疏邴酈衛譜亦誤

酒誥之篇俄空焉 案朱子語類問揚子雲言酒誥之  
篇俄空焉曰孔書以巫蠱事不曾傳漢儒不曾見者  
多如鄭康成晉杜預皆然想揚子雲亦不曾見

藝文志云劉向以中古文校歐陽大小夏侯三家經文  
案顏師古曰中者天子之書也言中以別於外耳

薄違農父 案白氏六帖作薄韋農夫

荆公以違保辟絕句又荆公謂周公得卜復命於成王  
也注此二說楊慈湖五誥解從之 案宋楊簡五誥

解世久失傳文淵閣書目作一冊焦竑經籍志作一卷朱彝尊經義攷以爲未見今從永樂大典中案條

薈萃釐爲四卷惟闕梓材一篇

四庫全書總目

無逸多言不敢 案無逸言不敢者五

周公弔二叔之不咸漢懲七國之難 案日知錄卷九閔管蔡之失道而作常棣之詩以親其兄弟此周之所以興懲吳楚七國之變而抑損諸侯至於中外殫微本末俱弱此西漢之所以亡也

君陳蓋周公之子伯禽弟 案惠氏棟九經古義汲郡

困學紀聞補注

卷二

六一四明叢書

約園刊本

古文云成王十一年王命周平公治東都沈約案周平公卽君陳周公之子伯禽之弟劉氏履恂秋槎雜記周公八子並爲侯伯見魏志武帝紀注王陵等勸進云云以伯禽及凡蔣邢茅胙祭當七人君陳當爲其一

康王釋喪服而被袞冕 案顧氏日知錄卷二謂顧命之篇中有脫簡狄設黼展綴衣以下卽當屬之康王之誥

皇帝始見于呂刑 案段玉裁古文尙書撰異伯厚未

曉今文尙書名甫刑者無皇字古文尙書名呂刑者則有皇也

壽若召公 案應劭風俗通謂召公百九十餘歲金石錄謂召公百有十歲

洪範五者來備 案文選東廣微補亡詩注引作五是來備

五福不言貴 案湛園札記卷二洪範五福六極無貴賤蓋古無不肖而貴亦無有德而賤者貴則祿及之而富矣故富可以概貴賤則祿勿及而貧矣故貧可以馭其貧是也

國朝通志注

卷二

七十四明叢書

約園刊本

以概賤周禮八柄馭羣臣二曰祿以馭其富六曰奪以馭其貧是也

管子所云造六沓 案王若谷曰六沓其猶周髀算法乎明張自烈正字通諸家沓義未詳字書皆不載委宛編以計解之沓當讀如計 閻若璩曰案王元美云沓當讀如計辛文子號計研漢碑作沓研又作計倪見楊升庵集第四十六卷

格于皇天格其非心 案張敬夫曰格之爲言感通至到也書曰格于皇天蓋君心之非不可氣力勝必也

感通至到而俾之自消靡焉所謂格也劉荀明本釋  
子注引此

洪舒于民古文作洪荼 案段玉裁曰舒荼字通用辭  
氏以荼毒許之恐失之鑿

困學紀聞補注卷三

清鄭張嘉祿肖葺箸

男壽鏞校刊

詩

大毛公爲詩故訓傳 案直齋書錄解題詩類毛詩二

十卷毛詩古訓傳二十卷鄭氏曰箋者案正義云鄭

于諸經皆謂之注獨此言箋者字林云箋表也識也

鄭遵毛學表明毛言記識其事故稱爲箋又案後漢

傳注引張華博物志鄭注毛詩曰箋不解此意或曰

困學紀聞補注

卷三

一四明叢書  
利園刊本

毛公會爲北海相鄭氏郡人故以爲敬雖未必由此  
然漢魏閒達上之辭皆謂之牋則其爲敬明矣

以絲衣繹賓尸爲靈星之尸翁注引李王毛詩集解

案四庫全書總目毛詩集解四十二卷不著編錄人

名氏集宋李樗黃榦兩家詩解爲一編樗字若林榦

字實夫今日李王王字誤迺古迂字

月離于箕風揚沙矣 案明豐坊魯詩世學增益漸漸

之石之辭曰馬鳴蕭蕭陟彼崖矣月離于箕風揚沙

矣朱竹垞經義攷辨之甚詳 又翁注引周書馬之

剛矣嚮之柔矣 案馬之剛矣兩句文選顏延年楮  
白馬賦注引之 文選鮑明遠舞鶴賦注易卦通驗  
曰巽氣至則大風揚沙春秋緯日月失其行離于箕  
者風易緯曰箕風飄石折樹

以關雎爲畢公作 案邕賦有關雎之潔不蹈邪非句  
並未言畢公作 翁注引宋范處義逸齋詩補傳

案四庫全書總目詩類詩補傳三十卷舊本題曰逸  
齋傳不著名氏宋彝尊經義攷云宋史藝文志有范  
處義詩補傳三十卷卷數與逸齋本相符明聚樂堂

國學紀聞補注

卷三

二四明叢書

約園刊本

書目直書處義名當有證據 崇文總目錄韓詩則

北宋尙存逸齋詩補傳謂韓詩世罕有之蓋偶未攷  
興之體足以感發人之善心 案家語孔子曰小辨害  
義小言破道關雎興于鳥而君子美之取其雌雄之  
有別鹿鳴興于獸而君子大之取其得食而相呼

周道缺而關雎作 案關雎之說不同容齋四筆詳之

魯詩出於浮邱伯 翁注引漢書楚元王傳浮邱伯者

孫卿門人也 案師古曰孫卿姓荀名況漢以宣帝

諱改之曰孫

列女傳稱詩芣苢 案文選劉孝標辨命論注韓詩采  
芣傷夫有惡疾也僻君曰芣苢澤瀉也芣苢臭惡之  
菜詩人傷其君子有惡疾人道不通求已不得發憤  
而作以事興芣苢雖臭惡乎我猶采采而巳者以  
興君雖有惡疾我猶守而不離去也又太平御覽七  
百四十引韓詩亦以芣苢爲傷夫有惡疾是韓說與  
魯詩同 翁注引列女傳衛宣夫人御覽四百四十  
一引作衛寡夫人顧千里云烈女傳寡字誤作宣王  
安人補注亦云此與魯寡陶嬰梁寡高行陳寡孝婦  
同作宣者形之誤說卦宣髮作寡髮亦其例

困學紀聞補注

卷三

三

四明叢書

納園刊本

劉禹錫與韓柳詣士丐聽說詩全注唐人詩說今祇存  
成伯瓊指說數紙耳 案毛詩指說一卷唐成伯瓊  
撰書凡四篇一曰興述二曰解說三曰傳受四曰文  
體

騶虞王道成也 案澗泉日記蜀世家王建時騶虞見  
碧山文忠論之云騶虞吾不知其何物也詩曰吁嗟  
乎騶虞賈誼以爲騶者文王之囿虞虞官也當誼之  
時其說如此然則以之爲獸者其出於近世之說乎

原注封禪書云圉騶虞之珍羣則騶虞必獸也案賈  
誼之說見新書顧訓騶爲圉未知何據攷說文騶殿  
御也禮記射義云天子以騶虞爲節樂官備也呂大  
臨曰所以歸功於二官也漢書序傳云滕公殿騶是  
騶乃掌御之官矣戴埴鼠璞引月令命僕及七騶咸  
駕及左傳使訓羣騶知禮謂騶爲騶御虞爲虞人其  
說蓋本之白居易畫贊序較訓圉者爲長至謂之獸  
者不特封禪書爲然淮南道應訓云屈商拘文王於  
羑里散宜生以千金求得騶虞雞斯之乘則亦指爲

獸矣况白質黑文毛傳已明言之是漢時固不一其  
說又安得謂出於近世 班固兩都賦歷騶虞覽駟  
職似亦以騶虞爲蒐田之名 宋戴埴仲培鼠璞上  
以騶虞爲獸始於相如封禪書圉騶虞之珍羣歐公  
引賈誼新書騶文王圉名虞虞人之官以闢之漢儒  
尙符瑞以龍麟鳳龜爲四靈後增騶虞以配五行証  
罔可知騶虞爲獸不見他書誼以虞爲官得之矣以  
騶爲圉則又穿鑿攷之傳騶虞樂官備也又曰天子  
田獵七騶咸駕是虞固山澤之官而騶亦官也意文

王田獵雖騶從與虞人之賤俱有仁心詩人於是歎美之如宣王行狩必言徒御齊侯於沛必招虞人騶虞並稱於經旨無礙若不食生物不踐生草之說予不敢信

熠耀宵行 案文選潘岳秋興賦注引崔豹古今注曰熠耀燐也一曰燿夜腐草爲之食蚊蚋

子擊好晨風 案文選王褒四子講德論太子擊誦晨風文侯諭其指意李善注引韓詩外傳案韓詩外傳卷八與說苑語大同小異

困學紀聞補注

卷三

五十四明倫書

新國州本

王裒讀蓼莪 案湛園札記一顧歡早孤讀詩至哀哀父母輒執書慟泣由是受學者廢蓼莪篇不復講焉此事與王偉元絕類

東有甫草 案韓詩作東有圃草薛君章句曰圃博也有博大茂草也文選東都賦注引之 侯官陳氏韓詩遺說攷及毛詩鄭箋改字說可互證

韓詩薊彼甫田 案高郵王氏經義述聞倬彼雲漢條云倬韓詩皆作薊 爾雅釋詁那曷疏韓詩云薊彼圃田案薊乃薊之譌字甫圃古字通用毛詩東有甫

草文選東都賦注後漢書馬融傳注皆作圃草是其證也

呂氏春秋謂舜自爲詩曰普天之下莫非王土率土之濱莫非王臣注孝行覽慎人篇 案容齋四筆卷五

呂氏春秋孝行覽引商書曰刑三百罪莫重於不孝今安得有此文亦與孝經不合又引周書曰若臨深淵若履薄冰注云周書周文公所作尤妄也又以普天之下莫非王土率土之濱莫非王臣爲舜自作詩先君之思以勗寡人云云 案釋文云此是魯詩而茲乃云韓詩疑王氏之偶疏也

困學紀聞補注

卷三

六

四明叢書  
約圖刊本

注禮記與注易異翁注引禮器注革急也云云引坊記注東鄰謂紂西鄰謂文王 案坊記禮器兩條並載鄭志一曰答昞模云一曰答靈模云或疑是一人或後來傳寫之誤今禮記注疏刊本于坊記正義作昞于禮器正義亦作靈似沿訛已久

爰其適歸 案鄭箋爰曰也文選關中詩注引韓詩漢劉向說苑政理篇春秋宣十二年左氏傳引詩及唐石經並作爰惟家訓引作奚

山林匱竭林鹿散亡 案惠吉士詩說彼茁者葭美王  
道之成也何草不黃知周室之衰也一繫二南之終  
一繫小雅之末其旨微矣

祁父 案毛傳作祈箋曰書曰若疇圻父祈圻畿同又  
同祁書君牙冬祁寒禮緇衣作祈寒

溥彼韓城 案顧氏日知錄辨韓城甚詳

詩譜云子思論詩於穆不已 案劉勰文心雕龍子思  
弟子於穆不祀

文選注引韓詩貽我嘉麥 案嘉當爲喜字之誤見王

困學紀聞補注

卷三

七四明叢書

菊園刊本

氏經義述聞卷七

甯戚飯牛擊牛角疾歌高誘注以爲歌碩鼠不知何所

據 案是說顧亭林亦辨其誤見日知錄卷三第十

淮南子主術訓甯戚商歌車下而桓公喟然而悟

翁注引李善文選成公子安嘯賦案此賦注引淮

南道應訓所載商歌兩篇與翁注微異南山二句作

南山嵯峨白石爛長夜曼曼作長夜暝暝 容齋四

筆卷五甯戚飯牛歌高誘全引碩鼠三章又爲可笑

秦詩在其板屋 案毛傳西戎板屋酈氏道元謂天水

郡鄉居悉以板蓋屋戴溪續呂氏家塾讀詩記謂秦雖以板爲屋此蓋言車

零露溥矣呂氏字林作露翁注引隋書經籍志小學類字林七卷晉轍令呂忱撰 案忱字伯雍前漢地理志東萊郡有嶧縣 卷三野有蔓草注五卷作七卷卷四周禮庖人條引書錄解題七卷作五卷三朝國史注一卷董氏藏書志作三卷魏書江式傳作六卷詳見任大椿序林考逸序列

衡從其畝 案周禮攷工記衡四寸衡古文橫假借字

困學紀聞補注 卷三

八四明叢書

約圖刊本

也案古書多以衡爲橫字如左氏桓九年傳闔廉衡陳其師於巴師之中襄七年傳衡而委蛇必折杜注並云衡橫也又國語晉語秦穆公衡雕戈出見使者注衡橫也孟子一人衡行於天下趙注衡橫也皆其證也

逵有充超叛鑿蘇文忠慨焉 案宋黃徹碧溪詩話東坡記王陵過賈逵廟呼曰賈梁道我大魏之忠臣也及司馬景王病夢逵爲祟因爲詩曰嵇紹似康爲有子云云蓋怪梁道忠義之靈不能自巳其子充之惡

案晉紀王賈所殺乃宣帝名懿字仲達非景帝子元  
羣忘漢 孫季和讀通鑑詩清濁無心陳仲弓圓機聊

救漢諸公未流不料兒孫誤千古黃初佐命功

周原膺膺莖茶如飴惡可爲美也 案尹和靖曰周原

膺膺莖茶如飴美土可以變惡味食我桑甚懷我好

音美味可變惡聲楊升庵外集卷二十九引之

相鼠碩鼠疾惡也 案續呂氏家塾讀詩記或曰相鼠

鼠名也與常鼠異 相鼠能人立見人則立舉其前

兩足若拱揖然 日知錄詩云碩鼠碩鼠無食我苗

困學紀聞補注 卷三

九四明藏書

約圖刊本

謝君直曰苗未秀而食貪之甚也今之爲豫借者食

苗之政也有不毆民而適樂郊者哉 續呂氏家塾

讀詩記貪墨之臣盜太倉之粟與碩鼠何異

草木鳥獸蟲魚疏陸璣字元恪所撰非陸機也 案阮

氏論語校勘記唐棣之華章疏陸璣云毛本機作璣

機與璣古字通隸釋載堯廟碑云據璇璣之政周公

禮殿記云旋機離常璣並作機又文選宋文皇帝元

皇后哀冊文注云璣與機同 又案孫志祖讀書脞

錄續編云梁元帝作同姓名錄兼收名之音義通用

者有兩陸機一吳人字士衡一名璣字元恪注本草者而宋槧爾雅疏引草木疏作陸機此二字古人殆通借用之歟

詩緯含神霧曰羅列五際三箋引孔氏正義云鄭於六藝引春秋緯演孔圖云云 案文選陸士衡賦注亦引之 葛天之八闕翁注引呂氏春秋仲夏紀古樂篇六曰建帝功 案王氏讀書雜誌文選上林賦注張揖引作徹帝功李善曰呂氏春秋六曰達帝功今注以達爲徹誤初學記樂部上太平御覽樂部四引此並作達

困學紀聞補注

卷三

十四明叢書  
約圖刊本

帝功

興雨所祈 案呂氏春秋作興雲祁祁

觀駟鐵小戎之詩 案鐵應駮

困學紀聞補注卷三

困學紀聞補注卷四

清鄭張嘉祿肖葦著

男壽鏞校刊

周禮

王安石三用之經之蠹也 案潤泉日記卷中第十三  
胡仁仲皇王大紀其閒說周禮處詆訶太過王介甫  
用之之差非周禮之罪豈可因噎廢食

考工記或以爲先秦書 案太平御覽學部楊泉物理  
論魯恭王壞孔子宅得周書闕無冬官漢武購千金

困學紀聞補注

卷四

一四明叢書  
約閱刊本

而莫有得者遂以攷工記備其數

張禹以論語文其諛 案傅子匡衡以善詩至宰相張  
禹以善論作帝師

尙父立圓法 案圓卽錢也文選王元長策秀才文李  
善注亦引之

八則禮俗以馭其民翁注引周禮訂義 案四庫全書

總目禮類一周禮訂義八十卷宋王與之撰與之字

次典樂清人

鄉有軍制翁注引王氏詳說疑卽詳解 案周禮詳解

四十卷宋昭禹撰陳振孫書錄解題曰昭禹未詳何人其學皆宗王氏新說王與之作周禮訂義類編姓氏世次列於龜山楊時之後曰字光遠亦不詳其何人

使師開鼓琴 案楊升庵集四十四卷師開鼓琴以東方西方之聲而知室之朝夕師曠吹律以南風北風之聲而知軍之勝負藝之精也通乎天人

匠人建國畫參諸日中之景翁注引正義曰其術則匠人云水地以縣置槩以縣規以影爲規槩臬同假借

困學紀聞補注

卷四

二四明叢書

約圖刊本

字也 正義則爲規測影兩端之內規之規之交乃審也阮氏校勘記之字蓋涉上行

保氏九數鄭司農云今有重差夕桀句股 案夕桀非鄭眾注國朝武進臧氏經義雜記辨之甚詳

疏謂漢時在街置室檢彈一里之民 案楊升庵集第六十七卷趙明誠金石錄跋昆陽城中漢彈碑不知街彈爲何語案周禮大司徒里宰以歲時合耦于鋤鄭元注曰鋤者里宰治處若今街彈之室蓋周名鋤漢名街彈之室今之申明亭也

禹貢之田云云翁注此三山鄭氏諤周禮全解之說

案宋史藝文志鄭鍔周禮解義二十二卷今以鍔作諤解義作全解待考然卷四卜師曰兆鄭氏鍔以理推之原書作鄭鍔翁注誤諤可證

至漢趙過始教民牛耕 案元李治敬齋古今薙卷三前漢趙過始用牛耕石林援冉伯牛司馬牛皆名耕以證過以前皆非用牛則名字何取以相配乎古蓋耕而不犁後世反爲犁法耦用人犁用牛過特爲之增損其制非用牛自過始又孔子言犁牛之子騂且

困學紀聞補注

卷四

三四期藏書

新園刊本

角孔子時固已用犁李又曰石林說趙過以前已牛耕誠是然方說冉伯牛司馬牛名字而復據云犁牛之子云云何其說之不倫也犁自是雜文今呼貓犬之類毛色之雜者皆謂之繫古字少凡音相近者皆得通用而石林以駁雜之犁同之耕犁之犁是真誤矣 又案澗泉日記犁說文作犂注耕也又犂兩壁耕也一曰覆耕種也二字皆從牛是耕之用牛其來已古崔寔政論云漢武帝時趙過爲搜粟都尉教民耕種其法三犁共一牛一人將之種挽耨皆取備焉

然則過特于牛耕之中又變通古法而利其用非謂自過創始如後漢書王景傳亦謂景遷廬江太守民不知牛耕景教用犁耕蓋亦專爲廬江而言亦不可謂牛耕始于景也

尹需之習秋駕 案尹需事亦見文選魏都賦注引莊子詳卷十尹需學學御三年一條注

戰國策欲璽者段干子也 案魏策華軍之戰魏不勝秦明年將使段干崇割地而講孫臣謂魏王曰欲璽者段干子也 秦璽見卷二十周恭叔跋秦璽文

國學紀聞補注

卷四

四一四明叢書

續編刊本

天寶十載復改傳國寶曰承天大寶見卷二十璽也而更爲寶注

班固律歷志述劉歆之言以律爲下生呂爲上生 案孟康曰從子數辰至未得八下生林鍾數未至寅得八上生太族律上下相生皆以此爲率伍耦也八八爲耦

後世有覆射之法 案東方朔射守宮見漢書本傳

龜人六龜翁注東龜曰果屬 案果羸同

璽作璽 案阮氏校勘記說文引周禮作璽 蓋許讀

噩爲弔案弔卽今弔字 釋文噩本或作學史記楚世家熊學索隱學作噩詳見經義述聞

眊祿掌十輝 案張清源雲谷雜記卷四第十六頁辨之甚詳 輝狀之輝當作暈見阮氏校勘記

太史正歲年 案經義述聞辨之甚詳

漢樊毅修西嶽廟記翁注後漢樊毅華嶽碑跋尾云云 案宋孫季昭示兒編卷二十三字說引之

萍氏幾酒 案孫季昭示兒編卷三萍氏掌幾酒神農書曰萍能勝酒取其不沈溺於酒也 酒禁之弛濫

困學紀聞補注

卷四

五四明叢書

約園刊本

臆于漢武日知錄卷二十八言之甚詳

此乃九章米粟法 案疏曰算術有算粟爲米之法見日知錄卷二十七第十七頁

嘉量之銘一條 案楊升庵集七十二卷引之

嗟爾不定侯爲爾不朝于王所 案漢書郊祀志周靈王卽位時諸侯莫朝周襄宏乃明鬼神事設射不來不來者諸侯之不來朝者也依物怪欲以致諸侯諸侯勿從而周愈微

故鼎反乎磨室徐廣注曆歷也 案史記高祖功臣侯

表曆簡侯程黑漢表作歷

困學紀聞補注

卷四

大  
四明叢書

約園刊本

困學紀聞補注卷四

困學紀聞補注卷五

清鄭張嘉祿肖菴著

男壽鏞校刊

儀禮

蕭奮孟卿后蒼戴聖戴德翁注引釋文敘錄蒼授聞人通漢案如瘡曰聞人姓名通漢字子方

禮記

恆言不稱老案太平御覽四百十三引師覺授孝子傳孔子曰父母在常言不稱老爲其傷老也若老萊

困學紀聞補注

卷五

一四期叢書  
約園刊本

子可謂不失孺子之心矣

古者王司敬民豈有獻民虜案蠡勺繡檀弓曰仕而未  
有祿者君有饋焉不曰賜而曰獻尊賢也此或君以  
田宅賜賢者則書以致之而辭曰獻也日知錄卷  
二十九第一條可互證

周兼用十寸八寸爲尺漢專用十寸爲尺案日知錄

卷十古尺今尺言之頗詳

七十二候案楊升庵集四十四卷呂不韋月令自東  
風解凍至水澤腹堅後魏始入歷爲七十二候其所

載與夏小正淮南時則訓管子汲冢書互有出入朱  
文公作儀禮經傳解備引之予又見王砮注素問亦  
引呂令七十二候與今世行呂氏春秋及歷中所載  
不同如桃始華爲小桃華雷乃發聲下有芍藥榮田  
鼠化爲鴛下有牡丹華玉瓜生作赤箭生苦菜秀作  
吳葵華麥秋至作小暑至半夏生下有木槿榮蟄蟲  
坯戶下有景天華惟易通卦驗亦載節候而其書今  
亡類書所引若條風至而楊柳津景風至而搏勞鳴  
蝦蟇無聲涼風至而鶴鳴鬪鬪風至而蜻蛉吟日至

困學紀聞補注

卷五

二四明叢書

約園刊本

而泉躍泉躍卽水泉動也可攷古今節候之異 翁

注楊升庵曰予見玉冰注素問亦引呂令七十二候

見楊升庵集四十四卷 晁公武讀書志作王砮杜

甫集有贈重表侄王砮詩亦復相合然宋唐志皆作

冰而世傳宋槧本亦作冰字或公武因杜詩而誤歟

四庫全書總  
目醫家類一

冬祀行冬祀并翁注楊氏慎曰井卽行也云云見楊升

庵集四十四卷

曲禮隋王劭勘晉宋古本皆無稷曰明粢一句 案此

條國朝臧氏琳經義雜記與孫志祖讀書脞錄皆有  
辨證

上帝降衷于民下注內則二字非旁注

祀周公以天子之禮翁注引春秋傳分之土田陪敦祝  
宗正義曰陪是加增之義敦厚釋詁文也 阮氏校  
勘記諸本作陪釋文作倍云本亦作陪

魯世家伯禽之孫潰云云翁注引明堂位鄭注此明堂  
位凡四代之服器官下注 正義曰隱十一年羽父  
使賊弑隱公莊三十二年慶父使圉人榮賊子般閔

國學紀聞補注

卷五

三四明發書

約圖刊本

二年慶父又使卜齮賊公于武闕

南風之詩出尸子 案南風之詩經義雜記亦詳言之  
禾生子伯宿于田更商邱開之舍 案禾生子伯人姓  
名楊升庵集四十六卷亦謂不必改字

左階銘其背闕注今家語作右階 案家語孔子觀周  
遂入太祖后稷之廟堂右階之前有金人焉叁緘其  
口而銘其背曰古之慎言人也

名曰建囊 案馬融廣成頌作韃囊見經義述聞卷十  
五第五十三頁並經義雜記

御車之旌旣獲卒莫翁注四庫全書本御車之旌作獲者之旌 盧召弓大戴禮校本案獲者舊本作御車誤

善教者使人繼其志 案湛園札記一晁錯峭刻何比干從學刑名而以仁恕著聞此與李斯之學荀卿正相反

劉子曰獨立不慚影獨寢不媿衾原注高彥先謹獨銘曰云云翁注引朱子文集七十九高東溪祠記 案今本書錄解題東溪集十二卷迪功郎漳浦高登希

國學紀聞補注 卷五

四 四明叢書

續國刊本

先撰考試潮州策問忤秦相謫死 又案翁注引書錄解題因揭愼獨顏閒爲之銘閒字當是門字

### 大戴禮記

大戴禮翁注引宋韓元吉大戴禮記序 案盧氏校定

大戴禮記凡例 此書始于二十九終于八十一 宋韓元吉謂重出者

一篇 今案明堂篇第六十七實即在盛德篇中今不別出則以下當遞遷 實不重出

謂武王踐阼咨於太師姚注引踐阼篇曰擾阻以泥之 盧文弨曰擾阻以泥之此語朱子亦謂不可解竊疑擾乃變字之訛伏虔注楊雄賦云變古之善塗墍

者王伯厚校此篇云一本無阻字則當爲變以泥之無疑蓋擾亦本作變形近易訛也

星辰不孛 雅雨堂本作星辰不隕

蟹六跪二螯 案敬齋古今雜蟹八足而二螯天下無不識者而荀卿子謂蟹六跪而二螯許氏說文亦云六足二螯非不識蟹蓋循荀子之說而忘其所以爲誤耳

孝昭冠辭 雅雨堂本案冠舊本作符者乃因冠字形

近而誤 翁注大戴禮冠篇陛下摛顯先帝之光耀

困學紀聞補注 卷五

五十四明齋書 約圖刊本

摛顯應作離顯劉昭注續漢志引博物記作摛顯又頌或秉集邠或盧辯注邠或當爲芬或聲字之誤也又推遠稚兒之幼志兒當作免盧注免猶弱也

賈誼審取舍之言見禮察篇 案禮察篇爲人主計者莫如安審取舍取舍之極定於內安危之萌應於外也翁注所引安作先也作矣

保傅篇靈公殺洩治 案盧注魯宣十一年而楚子縣焉

樂

聽廣陵之清散 案盛如梓庶齋老學叢談卷中吹劍

錄謂廣陵散爲王陵母邱儉諸葛誕相繼爲揚州都督謀興復魏室皆爲晉誅以廣陵爲揚州魏之敗散始于此不知魏晉之際揚州治所在壽春與廣陵無干涉魏史所言地如百尺如邱頭如安風津皆非揚之地也散乃曲名如操弄之類潘岳笙賦云流廣陵之名散是也韓皋審音旣失攷于其前俞公著書復承說于其後

夏侯太初辨樂論伏羲有網罟歌 案隋樂志伏羲有網罟之詠

困學紀聞補注 卷五

六四明叢書 約園刊本

韓文公琴操十首 案琴操蔡邕作平津館校本有序一首言之甚析 翁注引隋書經籍志樂類琴操三卷晉廣陵相孔衍撰 案平津館校本序謂隋志言孔衍撰者謂撰述蔡邕之書非謂孔衍自著也閻云多不足辯此爲得之

困學紀聞補注卷六

清鄞張嘉祿肖葺著

男壽鏞校刊

春秋

鄭人來輸平 案惠氏左傳補注卷一案渝讀爲輸二  
傳作輸廣雅曰輸更也與懌悛改同釋秦詛楚文變  
輸盟刺謂變更盟刺耳渝更也平成也故經書渝平  
傳曰更成杜注自明而獨訓渝爲變必俗儒傳寫之  
譌服虔曰公爲鄭所獲釋而不結平於是更爲約束  
以結之故曰渝平是服亦訓渝爲更

困學紀聞補注

卷六

四明叢書  
約園刊本

書成而亂賊懼翁注引汪藻作張根春秋指南序 案  
直齋書錄解題春秋指南二卷張根知常撰宋史藝  
文志作十卷

沙隨春秋例目云有域或考隸古春秋作有蟻原注爾  
雅蜚蠊蛩卽負盤臭蟲唐彥猷有舊本山海經說蜚  
處淵則涸行木則枯疑春秋所書卽此物 案宋蕭  
楚春秋辨疑卷二有蜚辨聖人於春秋記災異記災  
重其害及於民記異者人道失敗而兆禍亂皆所以

警訓於世非二者不登於策故一穀之災必書莊  
二十九年書有蜚說者云乃螭蜃卽負盤臭蟲果爾  
則非災非異聖人何錄焉據山海經蜚如牛白首一  
目蛇尾行水則竭行草則枯見則有兵疫正此物也  
凡言有者皆以有爲非常也非常者謂非災則異也  
又案見則有兵疫山海經作見則天下大疫劉原  
父釋春秋引之作見則其國大疫 正義云洪範五  
行傳曰彘如鼈三足生於南越南越婦人多淫故其  
地多感淫女惑亂之氣所生也湛園札記曰此不經

國學紀聞補注 卷六

二一四明叢書

利國刊本

之說魯女多淫至於彘生其地亦太甚矣

書大雩二十二 案春秋辨疑卷三大雩辨雩者祈雨之

祭建日月之常祀經無書六月雩者常事合禮則不  
書也旱則又用之故經書雩皆建午建申之月庸知  
其旱而祭也旱則雩禮也何以書曰大雩非禮也禮  
天子雩於上帝諸侯雩於山川百神魯諸侯雩於上  
帝僭也故書曰大譏其僭也或曰何以必其雩上帝  
哉曰魯郊用辛日經書上辛大雩則知其雩帝矣雩  
帝不可直言而書上辛者用見其僭天子也左曰龍

見而雩知其爲常祀不知其旱而又用也穀梁曰雩得雨曰雩知其爲旱祭不知其爲常祀也至於稱大三家無聞焉未盡春秋之義也

而用夾攻之策翁注引續通鑑徽宗宣和九年案九乃元字之訛夾攻之約自二年始

不若叔孫昭子遠矣翁注引左傳昭公四年叔孫卒昭子朝其家眾曰豎牛禍叔孫使亂大從正義曰杜云使從於亂服虔云使亂大和順之道又案殺諸塞關之外塞悉代反

左氏

王介甫疑左氏爲六國時人案庶齋老學叢談上左氏晦庵以爲楚人項平庵以爲魏人葉石林謂左氏魯史臣之後雖夫必見當時孔子所約之言而多知魯事

賈逵以爲明劉氏之爲堯後翁注引左傳文十三年正義傳說處秦爲劉氏尋討案阮刊注疏尋討作討尋又引明帝時賈逵上疏云五經皆無證圖識明劉氏爲堯後者又案賈逵傳作五經家皆無以證

圖識明劉氏爲堯後者 又案賈逵傳論賈逵能傳  
會文致最差貴顯 注謂引左氏明漢爲堯後 又案世主以此論  
學悲矣哉注言時主不重經而重識也

趙衰齋飧從經餒而弗食 一讀以壺飧從絕句讀經  
爲經連下句 正義曰杜以徑猶行者以傳文爲徑  
故釋爲行上讀爲義劉炫改徑爲經謂經歷飢餒下  
屬爲句

是人臣生而諡也何義門云杜氏注云皆未死而賜諡  
及墓曰傳終而言之近得不全宋槧本作皆死而賜

因學紀聞補注 卷六

四四明叢書 約園刊本

諡 阮氏校勘記曰宋本宋殘本足利本無未字而  
字不誤案困學紀聞衛侯賜北宮喜云云王氏亦沿  
襲誤刻而有此論後人往往承之何焯所謂不全宋  
槧本卽此殘本也段玉裁曰杜云終言之則其上文  
爲死而賜諡無可疑者或添未字則下不得云終言  
之矣

臧文仲廢六關 惠氏左傳補注上文云下展禽下猶

去也廢六關廢猶置也廢與下文相對 周語富長曰小怨置大德

韋昭曰置猶廢也彼此互訓

理道要訣云自古至商子孫不諱祖父之名 理道要訣杜佑作 又日知錄卷二十三生日名死日諱今人多生而稱人之名曰諱金石錄云生而稱諱見於石刻者甚眾因引孝宣元康二年詔曰其更諱詢以爲西漢已如此 湛園札記卷一生而稱諱末學之失然漢宣帝詔曰聞古天子之名云云亦是生而稱諱者也 蔡邕樊惠渠頌曰京兆尹諱陵字德雲後歌曰貽福惠君壽考且寧則是時樊亦未沒也豈漢已有此例耶 漢書宣帝紀元康二年詔曰聞古天子之名難知而易諱也今百姓多上書觸諱以犯罪者朕甚憐之其更諱詢諸觸諱在令前者赦之 案宣帝名病已改名詢

鶴立不轉何注闕校作雀疑善本雀字之誤 王念孫讀書雜誌二之二鶴古文作雀漢酸棗令劉熊碑雀鳴一震卽鶴鳴也文選求通親親表實懷鶴立企佇之心李善注引此策鶴立不轉初學記人事部太平御覽人事部引此竝與文選注同鴻烈脩務篇曰申包胥鶴時而不食晝吟宵哭皆其明證也 翁注引

北齊書王琳傳徒濫包胥之念 案琳素得將士心  
齊人亦重其忠義及被擒見者皆歔歔明徹恐其爲  
變遣使追斬之哭者聲如雷瑒瘞琳於八公山側義  
故會葬者數千人

致堂作子產傳曰國僑非也 案薛道衡年十三作國  
僑贊見隋書本傳

然子厚非國語而其文多以國語爲法 案老學庵筆  
記十徐敦立侍郎頗好謹紹興末嘗謂予言柳子厚  
非國語之作正由平日法國語爲文章看得熟故多

困學紀聞補注

卷六

六

四明叢書  
約園刊本

見其疵病此俗所謂沒前程者也子曰東坡公在嶺  
外特喜子厚文朝夕不去手與陶淵明並稱二友及  
北歸與錢濟明書乃痛詆子厚時合斷刑四維貞符  
詩篇至以爲小人無忌憚者豈亦由朝夕紬繹耶恐  
是非國語之報敦立爲之抵掌絕倒 又卷九東坡  
在嶺海閒最喜誦陶淵明柳子厚二集謂之南遷二  
友

仲尼使舉是禮也翁注引惠氏九經大義春秋傳曰仲  
尼使舉 舉記錄之也

莊公寤生全注寤生者悟生也 案悟說文逆也

困學紀聞補注 卷六

七 四明叢書  
約圖刊本

困學紀聞補注卷六

困學紀聞補注卷七

清鄭張嘉祿肖葦簪

男壽鏞校刊

公羊

仲幾之罪何不蕺城也蕺字當從漢志作衰阮氏校勘記亦謂衰城義當從師古說

疾爲戚翁注引公羊傳夫人不僂不可使入與公有約然後入注僂疾也段玉裁云僂卽婁婁卽屢字訓數亦訓疾

穀梁

困學紀聞補注

卷七

一四明叢書  
約園刊本

大侵之禮翁注引襄二十四年傳弛侯廷道不除案弛廢也侯射侯也廢侯不燕射廷內道路不修除翁注引車攻傳射右耳本案射當爲達

四時之田總名爲田案穀梁傳曰四時之田皆爲宗廟之事也

穀梁子秦孝公時人案應劭風俗通言穀梁爲子夏門人楊士勛言穀梁受經於子夏惠松崖據桓譚新論謂左氏傳旣成遭戰國寢藏者百餘年故魯穀梁

赤爲春秋殘略多所遺失然則穀梁非親受經於子夏矣古人親受業者稱弟子轉相受者稱門人則穀梁於子夏猶孟子之於子思故魏麤信注穀梁以爲與秦孝公同時也

### 論語

論語首篇之次章卽述有子之言而有子曾子獨以子稱案湛園札記卷二論語凡有若曾子門人之所記則必稱子宋孫季昭示兒編卷四孔門之高弟莫顏子若也其書尙以名稱獨有若曾參得以子稱又見是書成於有子曾子之門人故不敢斥其名所以尊師也

困學紀聞補注

卷七

二四明叢書

約園刊本

凡建邦立社各以其土所宜之木案亦不言社主本朝毛西河論語稽求篇卷二白虎通引尙書逸篇云大社惟松東社惟柏南社惟梓西社惟栗北社惟槐則宰我引經原是論社與主何與又案古論語翁注引何晏論語集解敘荀氏周氏章句出焉翁注荀咸後漢書儒林傳作包咸阮氏論語注疏校勘記皇本包作苞案廣韻包下云包裹亦姓楚大夫申包胥

之後後漢有大鴻臚包咸皇本作苞非也 後漢儒  
林傳包咸字子良永平五年遷大鴻臚

項橐七歲爲孔子師 案太平御覽四百四引春秋後  
語甘羅曰夫項橐十歲爲孔子師 淮南子說林訓  
呂望使老者奮項託使嬰兒矜修務訓項託七歲爲  
孔子師

考其所爲云云亦見大戴禮 案薛季宣尙書古文訓  
曰視所由觀所以察所安而人焉度哉

不舍晝夜釋文舍音捨 顏師古匡謬正俗卷八舍字

困學紀聞補注 卷七

三四明叢書  
約園刊本

訓止訓息也人舍屋及星辰次舍其義皆同論語云  
逝者如斯夫不舍晝夜謂曉夕不止息耳莊周云百  
舍重趼謂在道多止息耳今人皆不言舍盡改音捨  
違義借讀於理僻謬

今也純鄭注純黑繪也 敬齋古今齋孔穎達曰麻冕  
緇布冠也古者績麻三十升布以爲之純絲也絲易  
成故從儉案鄭注喪服云布八十縷爲升升三十計  
爲縷二千四百此布之極細者也古以此布爲冕故  
謂之麻冕當孔子時其冕務爲純質儉約而已所用

之布不必如古孔子尙純儉故違古而從眾也穎達以純爲絲不知別有所出否

楚有直躬者 案韓非子楚之有直躬其父竊羊而謁之吏令尹曰殺之以爲直於君而曲於父報而罪之周生烈子 案魏志注十三姓周生名烈著論語義例

翁注周生烈七錄云字文逸阮氏校勘記文逸釋文序錄作文逢

曹操祭橋元文 見三國志夏侯淵傳

吾與汝 案朱子集注以與訓許惟義疏中秦道賓會

國學紀聞補注 卷七

四四明叢書  
約圖刊本

爲是說

周有八士包氏注云四乳生八子 案周有八士鄭君以爲成王時劉向馬融以爲宣王時案逸周書和寤篇曰王乃厲翼於尹氏八士武寤篇曰尹氏八士太師三公是八士皆尹氏爲武王時有明徵也或疑十亂之南宮适卽此伯适又克殷篇曰乃命南宮忽振鹿臺之財巨橋之粟乃命南宮百達史佚遷九鼎三巫古者命士以上父子皆異宮故禮曰有東宮有西宮有南宮有北宮蓋達适忽尹氏之子別居南宮者

猶南宮敬叔本孟氏子而以所居稱之耳國語詢於  
八虞賈侍中云周八士皆在虞官君爽言文王之臣  
有若南宮适然則八士且逮事文王矣殷法字積於  
仲周法字積於叔獨尹氏兄弟八人均布字之豈以  
爲禮之變而記之與

伯夷姓墨名允字公信翁注引皇侃疏孤竹之國是殷  
湯正月三日丙寅所封 案漢地理志孤竹城在遼  
西合支縣今北直永平府

子路撝雉得而復釋之 藝文類聚太平御覽述論語

國學紀聞補注

卷七

五四明叢書

約園刊本

作子路拱之 皇氏疏曰嗅謂鼻歆翁其氣邢氏疏

亦曰三嗅其氣嗅並如字訓 五經文字曰說文嗅

字經典相承作嗅論語借臭字爲之玉篇引論語三  
嗅而作韓季筆解嗅當爲鳴鳴之鳴雉之聲也程子

外書曰嗅字不知古作甚字又近嗅字集注引晁氏  
曰石經嗅作夏謂雉鳴也劉聘君曰當作臭古闕反

論語集說曰嗅疑作嗅 徐節孝語錄書齋夜話俱曰

三嗅當作三嗅釋雅曰或云三噫之誤司馬光類篇  
進字下引論語曰三嗅而作

四勿九思皆以視爲先 案逸齋詩補傳六憂思亂於中則瞻視眩於外閨周室者黍稷不分念父母者莪蒿莫辨此黍離蓼莪所爲作也

見弓以爲蛇見寢石以爲伏虎翁注杜宣賜酒時云云

樂廣客蛇影與風俗通所載杜宣事同見卷十三

翁注李廣見草中石以爲虎射之 案新序楚熊

渠子夜行見寢石以爲伏虎關弓射之滅天飲羽下

視知石也卻復射之矢摧無迹韓詩外傳張華博物

志亦同呂氏春秋作養由基王充論衡同黃氏日鈔

困學紀聞補注 卷七

六四明齋書

約園刊本

曰此事每載不同要皆野人相承之妄言耳後周書

李遠傳李廣熊渠二事併用詳見日知錄卷二十五

### 第十六頁

魏相以廉正翁注時霍山自若 師古曰自若猶言如

故也

以風爲諷則與詠而歸一意矣 案詠而歸鄭本作饋

魯讀饋爲歸見後鄭校周之本條注又史記弟子傳

注徐廣曰歸一作饋

孫叔敖三得相而不喜 莊子田子方篇肩吾問於孫

叔敖曰子三爲令尹而不榮華三去之而無憂色子  
之用心獨奈何翁注謂本於山水篇 今案在子方  
篇 又案呂氏春秋恃君覽知分篇孫叔敖三爲令  
尹而不喜三去令尹而不憂

微生高漢古今人表作尾生高 漢書東方朔傳注師  
古曰尾生古之信士與女子期於梁下待之不至遇  
水而死一曰卽微生高也

鄭校周之本以齊古讀正凡五十事翁注引何晏集解  
敘瑯琊王卿及膠東庸生中尉王吉 案正義曰琅

國語補注

卷七

七十四明叢書  
新國刊本

邪膠東郡國名王卿天漢元年由濟南太守爲御史  
大夫庸生名譚生蓋古謂有德者也王吉字子陽

翁注就魯論篇章考之齊古以爲之注 案正義曰  
就魯論篇章謂二十篇也復考校之以齊論古論擇  
其善者而爲之註註與注音義同

陳自明以子見南子爲南蒯 顧亭林日知錄卷二十  
五第二十晉書夏統傳子路見夏南憤恚而怵愾子  
路未嘗見夏南蓋衛南子之誤

卽詩常棣篇 案春秋繁露文選廣絕交論注作棠棣

孝經

孝經序六家異同而無虞翻注原注虞繁佑東晉處士

也 阮氏校勘記曰正誤佑作佐從隋唐志校 翁

注引正義曰六家卽韋昭王肅虞翻劉邵劉炫陸澄

也 吳志曰韋曜字弘嗣吳郡雲陽人本名昭避晉

文帝諱改名曜魏志曰王肅字子雍王朗之子仕魏

吳志虞翻字仲翔會稽餘姚人漢末舉茂才曹公辟

不就仕吳以儒學聞爲老子論語國語訓注傳於世

魏志劉邵字孔才廣平邯鄲人仕魏歷散騎常侍賜

困學紀聞補注 卷七

入四明叢書

約園刊本

爵闕內侯著人物志百篇隋書劉炫字光伯河閒景

城人

晁子止謂何休稱子曰吾志在春秋行在孝經 案公

羊傳序引孝經鉤命決

魯國三老所獻其說不同翁注少府后蒼 案后蒼漢

書藝文志作倉儒林傳作蒼

司馬公解云 案晁氏郡齋讀書志溫公古文孝經指

解一卷

孝經鄭氏注 案後漢書鄭元傳凡元所著注周易尙

書毛詩儀禮禮記論語孝經尙書大傳中候乾象歷  
又著天文七政論魯禮禘祫義六藝論毛詩譜駁許  
慎五經異議答臨孝存周禮難凡百餘萬言注案謝  
承書載元所注與此略同不言注孝經唯此書獨有  
也 唐會要後漢史書存於代者有謝承薛瑩司馬  
彪袁山松等其爲鄭元傳者載其所注皆無孝經正  
義曰唯范氏書有孝經 此卽十二驗之九 翁注有  
荀景者撰集孝經諸說 案荀昶阮氏校勘記曰監  
本毛本作景非 又案晉永和以來今本孝經作晉  
末以來阮氏校勘記曰晉末以來文苑英華唐會要  
作自齊梁以來 又翁注孝經非元所著其驗有十  
二條云云 案十二驗正義亦載之

困學紀聞補注卷八

清鄭張嘉祿肖葺著

男壽鏞校刊

孟子

趙岐曰致至也 案四庫全書總目四書類孟子正義十四卷漢趙岐注胡廣拾遺錄據李善文選注引孟子曰墨子兼愛摩頂致於踵趙岐曰致至也知今本經文及注均與唐本不同

琴張注謂子張善鼓琴蓋未知左傳有琴張 案瓊牖

困學紀聞補注 卷八

一四明叢書 約圖刊本

閒評卷三第十二頁孔子弟子琴張琴半也子張乃姓顓孫名師紹興中太學試仁天之尊爵賦取上第一人第二人皆以琴張為子張第一人云琴張難與徒懷干祿之疑第二人云笑琴張難與並為徒懷干祿而試官與舉人皆不悟抑何鹵莽至此耶

梁惠王西喪地於秦 楊升庵謂西喪地於秦即戰國

策所謂秦王垂拱而受西河之外

致堂曰楊朱與老聃同時翁注釋文曰楊朱或曰字子居

陸德明楊戎字子居恐子居非楊朱也 案陸德明

云見莊子釋文寓言十九

孟子引費惠公之言 案費惠公日知錄卷七辨之亦

詳

萬氏集證閻氏四書釋地云云 案國朝閻若璩四書

釋地一卷四書釋地續一卷四書釋地又續二卷四

書釋地三續二卷

孫奭朱文公謂邵武士人翁注孟子音義舊有張益丁

公著爲之音 案丁公著蘇州人見通鑑二百四十

一

困學紀聞補注 卷八

二 四明叢書 約圖刊本

好樂好勇好貨色 明本釋卷上臨卽計虞卿西蜀大

儒也有云人主不宜有所好故好攻戰則孫武白起

之徒出而民殘於干戈矣好刑名則韓非張湯之徒

出而民苦於刻核矣好聚斂則桑羊皇甫鏞之徒出

而民困於培克矣好順從則張禹胡廣之徒出而民

敝於誇大矣

上有好者下必甚焉閻注晉傅元疏云云 案傅鶡觚

疏見晉書本傳

卷十三第十  
九頁引之

晏子春秋曰有賢而不知一不祥知而不用二不祥用

而不任三不祥 案晏子春秋語與劉向說苑君道篇同

孺子滄浪之歌 案晁補之變離騷序曰孟子見魯平公與屈原諫懷王時蓋並矣而原實後於孟子載孺子之歌原辭與同此蓋沿孟子事

民心思漢王郎假之而有餘翁注引通鑑漢紀故趙繆王子林素任俠 案趙繆王名元景帝七世孫 林爲丞相育爲大司馬參爲大將軍

神農之教云云 案澗泉日記卷中第十五神農許行

困學紀聞補注 卷八

三四明鏡書

約圖刊本

之學他無所考呂氏春秋上農任地辨土審時四論必其書也

禮記有八蜡 案八蜡之祭本以其有功而報之昆蟲何功焉詳見湛園札記卷二

宿於晝 案宋葉大慶攷古質疑卷八第三頁馬侍讀大年曰高郵老儒黃彥和嘗謂孟子去齊三宿而出晝讀如晝夜之晝非也史記田單傳後載燕初入齊聞晝邑之人王蠋賢劉熙注云齊西南近邑音獲故孟子三宿而出時人以爲濡滯也大慶謂彥和見晝

邑人王蠋賢遂以此出畫字爲畫然觀之說苑以爲蓋邑人王蠋且齊有蓋大夫王驩而陳仲子食采於蓋則齊亦自有蓋邑也然則說苑以爲蓋邑人王蠋又與畫不同改畫字而爲畫亦所未安今通鑑畫音注司馬康釋音胡卦切亦曰西南近邑又不音畫何耶

蓋大夫王驩集證引四書釋地蓋大夫王驩與陳仲子兄戴蓋祿之蓋同音 案敬齋古今莊卷二第十頁孟子兄戴蓋祿萬鍾戴蓋祇是乘軒

困學紀聞補注

卷八

四

四明叢書

約園刊本

小學

爾雅注 案釋文劉歆爾雅注三卷樊光京兆人中散大夫爾雅注六卷隋書三十二云三卷釋文李巡汝南人中黃門爾雅注三卷魏志孫炎樂安人徵祕書監不就注字叔然顏氏家訓曰字叔言釋文爾雅注三卷隋書作七卷舊唐書四十六作六卷冊府元龜六百五作二卷

爾雅疏引舍人云 案錢竹汀潛研堂集廣韻有舍姓是舍人乃其人姓名非官稱也孫志祖讀書脞錄續

編姓舍罕見且名人疑未必然李善文選注引郭舍人爾雅注是其人姓郭爾漢書東方朔傳有幸倡郭舍人正值漢武帝時豈卽其人邪蓋本健爲郡文學卒史而入爲舍人也名則不可考矣

字書不見椹椹 案孫季昭示兒編卷二十三引藝苑雌黃云椹字字書皆無之蜀中多此木相傳以爲巨疑切案介甫絕句濯錦江邊木有椹者與移字同押則知巨宜切是也杜陵有覓椹木栽詩云飽聞椹木三年大與致溪邊十畝陰鄭尙明昂作杜詩釋音云

國學紀聞補注

卷八

五

四明叢書  
約園刊本

五來切誤矣

學者恥一物之不知 案晉書載記一劉元海嘗謂同門生朱紀范隆曰一物之不知固君子之所恥

急就篇注 急就篇曰知錄卷二十一詳之

烏寫混淆寫應作烏埤雅烏九寫而爲烏 本卷二十八頁注亦引之

增河南之邑爲雒 案雒陽本作洛陽魏魚豢典略曰漢火行忌水光武都洛改爲雒字楊升庵曰春秋經書公子遂會雒戎盟於暴左傳凡洛皆作雒已十餘

處豈因後漢而改乎

滅漢東之國爲隋 案廣韻五支隋國名本作隨左傳漢東之國隨爲大隋文帝去是能改齋漫錄隋文受禪以魏周齊不違寧處遂去是單書隋字互見卷十三第四十七頁

定文於六穗之禾訓同於導 案閱疏顏氏家訓書證篇案馬

大年嬾真子前漢百官表少府之屬官凡五十餘人有導官掌米穀以奉至尊然學者多疑導字之義僕攷唐百官志導官令掌導擇米麥凡九穀皆隨精縻

國學紀聞補注

卷八

六四明叢書

約園刊本

考其耗損而供然導字下从寸唐導字下从禾今案韻略瑞禾一莖六穗謂之導恐唐以瑞禾命官也僕嘗以此問舅氏笑云此蓋讀司馬長卿封禪書誤耳書云導一莖六穗於庖注云導擇也一莖六穗謂嘉禾之米也後人誤以瑞禾爲導遂併官名失之可笑也

爲卷爲端而遂乖服制 案考古質疑卷三第十三頁

衣服也禮云衮冕荀子以爲褱富國禮記則以爲卷

篆形誤爲誰正雲興之祁祁 案顏氏家訓書證篇又

引班固靈臺詩云三光宣精五行布序習習祥風祁  
祁甘雨此其證也 楊升庵集漢無極山碑與雲祁  
祁雨我公田王介甫有雲之祁祁詩

救時惟正於四羊閔疏東觀漢記馬援上書成臯令

案後漢書馬援傳章懷注引之

考義其惑於三豕閔疏家語 案見家語七十二弟子解

又見呂氏春秋察傳篇

加文武之爲斌 案說文人部份文質備也古文作彬

徐鉉曰斌乃俗字日知錄二十一謂魏去叔重未遠

國學紀聞補注 卷八

七四明叢書  
荆園刊本

是古未嘗無斌字也

合日月之爲易 案浩然齋雅談日與月合則長明性

與命合則長生又曰在天曰明明者日月之橫合在

世爲易易者日月之從合在人爲丹丹者日月之中

合此海瓊語也 疑曜二易經之易說文曰蜥蜴蟻

蜥守宮形象也是易卽蜥蜴也案爾雅諸書殊不相

似爾雅釋蟲有曰王蜥蜴者其形實象易字蜥與蜥

音相近或蜥蜴誤爲蜥蜴亦未可知

改白水眞人之兆 案顏氏家訓書證篇漢書以貨泉

爲白水真人蓋數術謬語假借依附雜以戲笑耳  
漢西域傳安息國書革旁行爲書記 案顏氏注革謂  
皮之不柔者

吳孫休自制名字 案唐陸龜蒙小名錄引吳錄孫休  
詔曰禮名子欲令難犯易避孤今爲四男作名字太  
子名暨音如湖水灣瀨之灣字蘭音如迅令之迅次  
名麋音如兕覲之兕字霁音如僂首之僂次名鉅音  
如艸萃之萃字盍音如舉物之舉次名寘音如寘寬  
大之寘字焚音如擁特有所之特鈔舊文合造此字

國學紀聞補注 卷八

八 四明叢書

約約刊本

庶易避也與三國志傳注所引稍異瓊牖閒評二唐  
史則天武氏自制十有二字墨照天堊地番日囹  
月○星風君思臣至人鳳載華年壘正案集韻載則

天自制者十有八字於唐史十有二字之外復有六  
字如至人字囹國字之類皆見當時薛稷所書之碑  
則知則天所制者不止十有二字此學林之文也余  
又攷東觀餘論跋華嚴經一段乃云唐史載武后作  
十二字此卷復有證聖等字蓋當時制作不特十二  
字而已

不字本方久反 案孫季昭示兒編卷二十三不字本  
方鳩切人皆以遁骨反呼之遍檢諸韻並無此音

此條

引遜齋  
閒覽

經說

或云七經 案華陽國志云遺雋士張叔等十八人東  
詣博士受七經

邵子定以易書詩春秋爲四經 案四經見於管子戒  
篇房元齡注四經謂詩書禮樂

春秋公羊而已翁注公羊子齊人 案師古曰名高字子陽

國學紀聞補注 卷八

九四明叢書

約圖刊本

石經有七原注後蜀石經於高祖太宗諱皆缺畫 案

蜀本石九經於唐諱皆缺畫詳見卷二十第十七頁

亦見顧氏日知錄卷二十三第三十一頁 容齋隨

筆四蜀本石經九皆孟昶時所刻其書淵世民三字

皆缺畫蓋唐高祖太宗諱也昶父知祥嘗爲莊宗明

宗臣然於存勳嗣源字乃不諱前蜀王氏已稱帝而

其所立龍興寺碑言及唐諸帝亦皆半闕乃知唐之

澤遠矣

後魏裴漢借異書朔自錄本姚注引朱子曰東坡作李

氏山房藏書記彼時書猶難得 案東坡李氏山房  
藏書記曰予猶及見老儒先生言其少時史記漢書  
皆手自書日夜誦讀惟恐不及近歲諸子百家轉相  
摹刻學者之於書多且易致其文辭學術當倍蓰昔  
人而後學之士皆束書不覩游談無根

易緯是類謀辨終備 案是類謀一作益類謀辨終備

一作辨中備

春秋緯 元命包後漢書律曆志作苞張衡傳亦作包  
刪去讖緯之文翁注引四庫全書校語儒者多稱讖緯

困學紀聞補注 卷八

十四 四明叢書

約圖刊本

其實讖是讖而緯是緯彌傳彌失遂與讖合而爲一  
然班固稱聖人作經賢者緯之楊侃稱緯書之類謂  
之祕經圖讖之類謂之好學翁注所引未全應核補  
漢儒之學若土梗 案戰國策魏文侯曰吾所學者直  
土梗耳司馬彪注梗土之榛梗也

困學紀聞補注卷九

清鄭張嘉祿肖葑著

男壽鏞校刊

天道

關苞授規日月星辰之象集證或曰關苞受河圖篇名  
案關苞受蓋河圖篇名授與受通見錢氏十駕齋  
養新錄卷十七

沈約宋志五星聚者有三 案安祿山反天寶九年五  
星聚箕尾 李鄴侯家傳謂肅宗復長安其年五星

困學紀聞補注

卷九

一四明叢書

約圖刊本

亦聚東井唐史未載 敬齋古今甞卷四五星聚非  
吉祥乃兵象故高祖入關五星聚於東井則爲秦亡  
之應攷之書傳五星之聚不獨漢世有之在唐世爲  
尤多武德元年七月鎮星太白辰星聚於東井二年  
三月復然是年關中分裂天寶九載八月五星聚於  
箕尾燕分也占曰無德則殃至德二載四月歲星熒  
惑太白辰星聚於鶉首元和十年六月四星復合於  
東井皆占中外相連以兵乾元元年四月熒惑鎮星  
太白聚於營室太史南宮沛奏其地戰不勝營室衛

地大歷三年七月壬申五星並出東方占曰中國利  
中國利則四夷被兵也貞元四年五月歲星熒惑鎮  
星聚於熒室占曰其國亡地在衛分元和十一年十  
二月鎮星太白辰星聚於危危齊分又十四年八月  
歲星太白辰星聚於軫軫楚分占曰兵喪開成四年  
正月熒惑太白辰星聚於南斗推歷度在燕分占曰  
內外兵喪改立王公咸通中熒惑鎮星太白辰星聚  
於畢昴在趙魏之分詔鎮州王景崇被袞冕軍府稱  
臣以厭之文德元年八月歲星鎮星太白聚於張張  
周分占曰內外有兵爲河內河東地大約星聚少則  
其用兵少星聚多則其用兵多天理人事有若符契  
焉或曰星變偶然耳隨變隨應未必然也或者之言  
非也姑以唐事驗之其大者有徵則其餘概可見矣  
太宗貞觀年中天下太平不聞有星聚之異天寶九  
年五星聚燕後數歲安史煽禍中國塗炭至累世不  
息是何得爲偶然哉

傅說奉中闕之祠原注李播大象賦 案李播淳風之  
父也 隋李播天文大象賦苗爲注平津館叢書錄

之並附跋一首

北斗七星翁注引漢書天文志杓端有兩星一內爲矛  
招搖一外爲盾天蠡 案史記天官書天蠡作天鋒  
歷數

卽命歷序所謂孔子修春秋用殷歷也翁注唐一行曰  
度議曰云云亦見文選陸佐公新刻漏銘注

十二相屬起於何時 案楊升庵集第七十五卷子鼠  
丑牛十二屬之說朱子謂不知所始余以爲此天地  
自然之理非人能爲也日中有金雞乃酉之屬月中  
有玉兔乃卯之屬日月陰陽互藏其宅也古篆巳字  
作蛇形亥字作豕形餘可推而知矣

分爲十紀 案盛如梓庶齋老學叢談上路史泰皇氏  
注春秋命歷云自開闢至獲麟二百二十七萬六千  
歲分爲十紀乾鑿度及春秋元命苞皆云二百七十  
六萬七千年廣雅因之均爲誕妄夫二十九萬一千  
八百四十歲而及太素冥莖此道之根本也嘗舉以  
問陳月觀先生云康節皇極經世書十二萬九千六  
百年只是此數帝堯卽位之年甲辰已在午

定之方中公劉之詩擇地之法也 案日知錄五七月  
流火天文也相其陰陽地理也四矢反兮射也兩驂  
如舞御也止戈爲武皿蟲爲蠱書也千乘三去亥有  
二首六身數也

困學紀聞補注 卷九

四 四明叢書  
約園刊本

困學紀聞補注卷九

困學紀聞補注卷十

清鄞張嘉祿肖葦著

男壽鏞校刊

地理

沈黎郡汶山郡地理志不載翁注引史記大宛傳於是置益州越嶲梓犸沈黎汶山郡欲地接以前通大夏

案李奇曰欲地界相接至大夏

非至秦始通也翁注引劉淵林注蜀王本紀惠王二十

七年云云案史記秦本紀惠王十四年卒此云二

困學紀聞補注 卷十

一四明叢書 約閣刊本

十七年疑誤惟昭襄王二十七年有因蜀攻楚黔中

三十年蜀守若伐取巫郡俟考

天不足西北地不滿東南案河圖括地象曰西北為

天門東南為地戶注天不足西北是天門地不滿東

南是地戶

舜漁獲澤案漢書地理志河東郡獲澤縣應劭曰有

獲澤在西北穆天子傳天子四日休於獲澤郭璞注

今平陽獲澤縣是也又元和郡縣志河東道下太平

寰宇記河東道下太平御覽州郡部九引墨子俱作

漢澤

奇章巴州之稱 案周李孝軌亦封奇章公

諸子

故爲金人三封其口曰古之慎言 案敬齋古今辨五

三緘其口者凡三處也古今人多以三緘連言之或

曰有金人焉三斷句則指三人也亦通

黃帝有巾机之法 案黃帝巾几銘曰無掘壑而附邱

無舍本而治末日中必彗操刃必割執斧必伐日中

不彗是謂失時操刃不割是謂失利執斧不伐賊人

困學紀聞補注

卷十

二四明叢書

約圖刊本

將來涓涓不塞將爲江河熒熒不救炎炎奈何兩葉

不去將用斧柯此銘漢以下文士多引用之而不見

其全惟見於兵書如此楊升庵集四十八卷

法言序舊在卷後司馬溫公集注始真諸篇首 案雲

谷雜記三前輩讀書所嗜各不同司馬溫公酷好揚

子太元而作書疑詆孟子謂揚子真大儒孟與荀殆

不足疑自云少好其書研精竭慮歷年已多始敢爲

注每閱太元必屏絕人事讀必數十過其嗜之如是

而老蘇獨不喜揚子云雄之法言辨乎其不足問也

問乎其不足疑也求聞於後世而不待其有得君子無取焉耳又曰雄於太元好奇而務深故辭多夸大而可觀者鮮又曰使雄有孟軻之書而肯爲太元耶二公所見不侔如此

蘇文忠論管仲之無後 案湛園札記卷三左傳君子曰管仲之世祀也宜哉杜氏曰管仲之後於齊沒不復見傳亦舉其無驗昨舉示友人闕子百詩爲予檢史記傳注引世本云莊仲山產夷吾夷吾產武子云云其十世皆有諡惟末世景子步耐生微無諡耳此

困學紀聞補注 卷十

三四明叢書 約園刊本

几案閒書而杜孔諸君皆不及知亦可怪也

黃帝六相一曰蚩尤通鑑外紀改爲風后 案外紀云

風后明天道管子稱蚩尤者疑誤 馬氏釋史 翁注后土

辨乎北方故使爲李 案魏牖閒評理李二字古通

用初無異義周語曰行理以節逆之管子云黃帝得后土而辨於北方故使爲李以二書攷之則知左氏傳中用行李字或作理初無異義

弟子職漢志附於孝經朱子謂疑是作內政士之子常爲士因作此以教之 案朱子語類弟子職一篇若不

在管子中亦亡矣此或是他存得古人的或是他自作俱未可知竊疑是他作內政時士之子常爲士因作此以教之

文子者老子弟子也原注序曰亦曰計然姓辛名研字文子 案辛文子號計研漢碑作峯研 以計然文子合爲一人始於北魏李暹計然與文子截然兩人見下注及卷五三十三頁注宋葉大慶攷古質疑卷二第九頁辨之甚詳

夫子見老聃 案今日見老子其猶龍邪見史記老莊申韓列傳及論衡龍虛篇論衡知寶篇

困學紀聞補注

卷十

四四明叢書

約園刊本

魯雞固能矣 案韓文公守戒曰賁育之不戒童子之不抗魯雞之不期蜀雞之不支今夫鹿之於豹非不魏然大矣然而卒爲之禽者爪牙之材不同猛怯之資殊也

向秀注莊子而郭象竊之郗紹作晉中興書而何法盛竊之 案明劉念臺人譜類記五南唐時隱者譚峭著有譚子化書後游建康見宋齊邱有神仙風格出其化書六卷授之曰是書之化其道無窮願子序之

流於後世齊邱因奪爲己有而傳之 峭本道士大  
旨多出於黃老 四庫全書目錄入雜家類

漁者豫且 案牟子靈龜發夢於宋元不能免豫且之

網

齊物論 案錢氏十駕齋養新錄卷十九左思魏都賦

萬物可齊於一朝劉淵林注云莊子有齊物之論劉

琨答盧湛書云遠慕老莊之齊物近嘉阮生之放曠

文心雕龍論說篇云莊周齊物以論爲名是六朝人

已誤以齊物兩字連讀唐人多取齊物兩字爲名其

困學紀聞補注

卷十

五

四明叢書

約園刊本

誤不始康節也

豫樟初生可抓而絕翁注手可擢而拔亦作搔 案手

可擢而抓抓本作拔五臣本及枚乘傳說苑並作手

可擢而拔詳見王氏讀書雜志餘編下

其口窮蹠其鼻空大 案韓詩外傳四孔子見客客去

顏淵曰客仁也孔子曰恨兮其心歎兮其口仁則吾

不知也

歸其母自績 案公父文伯退朝朝其母其母方績文

伯曰以歌之家而主猶績詳見魯語下

太平御覽引蘇子曰云 案鞞補隅錄所輯意林缺  
文內載蘇子十八卷名滔衛人也其曰蘭以芳致燒  
膏以肥見炳翠以羽殃身蚌以珠碎腹與此引御覽  
文略異蘇秦作蘇滔俟攷 莊子山木自寇也膏火  
自煎也桂可食故伐之漆可用故割之 淮南子虎  
豹以文彩來射獐狝以捷來刺 淮南子繆稱鐸以  
聲自毀齋燭以明自鑠太平御覽人事部一百引吳  
鐸以聲自毀

孝己事親 案家語曾子遺妻告其子曰高宗以後妻

國學紀聞補注 卷十

六四明叢書 約園刊本

殺孝己見文選注 孝經正義孝己伯奇之名偏著  
母不慈也

集證引水經注故論語比考識曰 案論語比考識御  
覽六十三引之 說苑說叢水名盜泉孔子不飲  
後漢鍾離意傳孔子忍渴於盜泉之水

趙襄子賞有功者五人 案趙襄子賞高赫亦見說苑  
復恩篇葉滎甫考古質疑曰晉陽罷圍乃貞定王十  
六年孔子卒於魯哀公十六年卽周敬王四十一年  
也後一年而元王立九年而貞定王立至十六年時

孔子卒已二十六年此謂趙襄子善賞士爲仲尼之言攷其年歲先後則知其誤也

鷓冠子 案鷓冠子中流失船一壺千金劉子隨時篇一瓠千金見雲谷雜記四第十二頁

柳子厚之辯其知言哉 案宋張湜雲谷雜記卷一子厚以貪夫殉財之語不爲太史公所稱案烈士之殉名貪夫之殉財此是列子之詞獨夸者死權一語見於鷓冠子賈誼實合二書以成文爾原注烈士殉名貪夫殉財謂爲列子之辭者此李善注文選所云今

困學紀聞補注

卷十

七四明樓書

約園刊本

列子中無此語善不應誤當是近世本有脫誤耳

鄭璞之說亦見尹文子 案文選陸士衡演連珠朗璞蒙垢注尸子曰鄭人謂玉未盡理者爲璞

受掉闔之術 案楊升庵曰掉音擺掉之者開也言也陽也孟子所謂以言飪之也闔之者閉也歎也陰也孟子所謂以不言飪之也

六韜曰云云 案六韜語見太平御覽六百八十四又六百九十七作冠雖筭禮加於首履雖新法以踐地漢書儒林傳黃生曰冠雖筭必加於首履雖新必貫

於足師古曰見六韜唐馬總意林作冠雖髮加於首  
履雖新履於地

日中必焚 案顏氏家訓書證篇河間邢芳語吾云賈  
誼傳云日中必焚注焚暴也曾見人解云此是暴疾  
之意正言日中不須與卒然便咳耳此釋爲當乎吾  
謂邢曰此語本出太公六韜案字書古者暴曬字與  
暴疾字相似惟下稍異後人專輒加傍日耳言中日  
時必須暴曬不爾者失其時也晉灼已有詳釋芳笑  
服而退

困學紀聞補注

卷十

八

四明藏書  
約園刊本

文仲子貢不同時 案盧氏文弼云子貢與文仲不同  
時或從後論之又曰況字疑衍

注方樸山此狙公賦芋之說 案莊子齊物論狙公賦  
芋曰朝三而暮四眾狙皆怒朝四而暮三眾狙皆喜  
亦見列子黃帝篇

傅子曰云云 案傅子語亦見尸子

困學紀聞補注卷十

困學紀聞補注卷十一

清鄭張嘉祿肖葺著

男壽鏞校刊

考史

漢古今人表作狐爰注卽狐咥也 案師古曰卽狐咥也齊人見戰國策

其洩治之類乎 案湛園札記卷三陳殺其大夫洩治注洩治直諫於淫亂之朝以取禍故不爲春秋所貴然則龍逢比干亦直諫取禍誣經之甚者也

困學紀聞補注

卷十一

一 西明叢書

約園刊本

敵人保山據險姚注引姚寬戰國策序云王氏此條令威獨未之及 案令威姚寬字 姚寬所舉佚文見上第四頁注

禹作祭器墨染其外 案讀書雜誌曰染當爲漆謂黑漆其外也俗書漆字作柒因譌而爲柒困學紀聞引此已作染太平御覽人事部百三十四引此正作漆說苑反質篇亦作漆 明本釋卷中范太史唐鑑云太宗問褚遂良曰舜造漆器諫者十餘人此何足諫對曰奢侈者危亡之本漆器不已將以金玉爲之忠

臣愛君必防其漸若禍亂已成無所復諫矣

董晉之答回紇閻注引董晉行狀吾數皮而歸資

案數皮歸資言馬之死者亦計皮而予之直也

是以君子正容以悟之使人之意也消 案見莊子外

篇 又案杜黃裳爲相幹吏欲寄錢千繩氈車一乘

直千緡使者於宅門伺候累日未敢送適有綠輿自

宅出從婢二人青衣藍纓使者知爲相國夫人遽歸

折其謀與此亦類

指鹿東蒲集證西征賦野蒲變而爲脯 案爲脯

困學紀聞補注 卷十一

二四明樓書

約園刊本

今本文選多作成脯

韋昭洞歷記 案韋曜本名昭避晉文帝諱改名曜

史記正誤

百姓思盤庚乃作盤庚三篇 案宋葉大慶攷古質疑

卷一盤庚三篇乃因遷都告諭臣民而作爾史記則

以爲盤庚弟小辛立殷道衰百姓思盤庚作盤庚三

篇

號曰其和 案其和互見卷一第四乾坤之次注日知

錄卷二十五有辨證

在馬生渥注之年翁注蘇林曰注音窰曲之窰 案師古曰注音於佳反

仲雍斷髮閭注論語虞仲亦非仲雍蓋虞仲乃逸民非繼世有士之君也 案日知錄卷七史記論語所稱虞

仲疑並是吳仲之誤

微子肉袒 案敬齋古今註曰宋世家又謂持祭器造於軍門所謂祭器者亦當令從者持之則左牽羊右把茅亦從者之事決非微子兩手牽把之 微子面縛楊升庵亦辨其誣

困學紀聞補注 卷十一

三四明藏書

荆園刊本

虢郟果獻十邑 案詩集傳檜國名周襄爲鄭桓公所滅而遷國焉今之鄭州卽其地也 集說孔穎達曰案鄭語史伯於幽王之世爲桓公謀滅虢檜至平王之初武公滅之則幽王以前檜國仍在

獻公使士鷲盡殺諸公子而城聚都之命曰絳 案賈逵曰士鷲晉大夫聚晉邑

史記以重黎爲一人 案攷古質疑曰東哲譏遷併兩人爲一人謂此也原注東哲之言見通鑑帝嚳紀注伯夷傳但見伯夷滿身是怨 案楊升庵集四十七卷

朱晦翁謂太史公作伯夷傳滿腹是怨此言殊不公  
今試取伯夷傳讀之始言天道報應差爽以世俗其  
見聞者歎之也中言各從所好決擇死生輕重以君  
子之正論折之也一篇之中錯綜震蕩極文之變而  
議論不詭於聖人可謂良史矣

吳越不爲是而存亡翁注引蘇子由古史云云 案楊  
升庵集五十二卷第七頁亦引蘇子由古史考以辨  
史記之妄

當是時有闕止字子我云云集證引張溟雲谷雜記

困學紀聞補注

卷十一

四四明叢書

約園刊本

案雲谷雜記四卷宋張溟撰溟字清源婺之武義人  
卷一第七辨宰子爲闕子我甚詳

不亦薰猶之共器乎 案劉孝標辨命論薰猶不同器

廷尉歐注張叔名 案歐漢書作毆師古曰讀與驅同

錯當要斬父母妻子皆棄市 案張曠問評卷二遺錯

誅死洪景盧作容齋隨筆謂其父母妻子同產無少

長皆棄市然本傳載錯父聞錯所更法三十章諸侯

謹譁遂從頴上來飲藥而死曰吾不忍見禍逮身則

錯父初不曾棄市也洪說誤矣

司馬相如傳贊揚雄 案攷古質疑卷一遷在武帝時揚雄生於漢末今相如傳後且引揚雄以爲靡麗之賦勸百諷一此班固作贊曉然矣何爲史記以爲太史公之語反覆究之公孫宏傳乃載平帝元始中王元后詔賜宏子孫爵徐廣注云後人寫此及班固所稱以續卷後乃知相如之贊亦後人寫入而託之太史公也於是喟然歎曰古人著書多爲後人所加何可勝紀九州箴揚子雲作也唐徐堅初學記所載潤州箴乃有六代都興之語藝文類聚唐太宗時歐陽詢所編也而有蘇李沈宋之詩田常見存而遽呼以謚 案攷古質疑卷五第三頁田常無恙而稱成子後來道書之誤

以自取面縛之辱也 案肉袒面縛前第二十二頁已

辨其誣 又案翁注周密齊東野語書微子篇曰云

云 案四庫全書總目雜家類五齊東野語二十卷

宋周密撰字公謹號草窗密本濟南人其父謂身雖

居吳心未嘗一飯不在齊此書以齊東野語名本其

父志也 此條與宋葉大慶攷古質疑卷二第一條

全同

困學紀聞補注

卷十一

六四明叢書  
初四刊本

困學紀聞補注卷十一

困學紀聞補注卷十二

清鄭張嘉祿曾纂

男壽鏞校刊

考史

黃帝有素問 案程氏遺書十九觀素問文字氣象只是戰國時人作謂之三墳書則非也

張文潛詩曰重瞳陟方時二如蓋老人 案湘君非舜如日知錄卷二十五有辨證

賈生弔屈原曰 案此條楊升庵集襲之

困學紀聞補注

卷十二

一四明叢書

約園刊本

文章緣起有漢惠帝四皓碑 案楊升庵集四十八卷四皓有羽翼太子之功其沒也惠帝爲之製文立碑此乃上世人主賜葬人臣恤典之始

功臣表靡有子遺耗矣 案史記高祖功臣侯年表餘皆坐法隕命亡國耗矣

淮南寢謀翁注引漢書辛慶忌傳王曰夫蓼太子知略不世出 案蓼太子注服虔曰淮南太子也文穎曰或言外家姓師古曰文言外家姓得之猶漢之栗太子也

漢史不能表而揚之爲清節傳 案吾鄉李杲堂先生  
有西漢節義傳論謝山先生爲之題辭 水經注云  
云乃題辭跋尾曰是書祇據班范二史不旁采若更  
求之如水經注陳留風俗傳均可附入者 翁注引  
全氏西漢節義傳題詞唐史宰相世系表有建威將  
軍令孤邁豫於東郡之難 案新唐書宰相世系表  
下合狐氏出自姬姓漢建威將軍邁爲翟義起兵討  
王莽兵敗死之

號萬石者五家翁注王楸野客叢書數萬石止及石奮

國朝紀聞補注 卷十二

一四 明叢書

一約園刊本

嚴延年馮揚而遺秦襲趙崇絢雞肋編所載與此條  
同 案四庫總目小說家有宋莊季裕雞肋編三卷  
自糊名易書之法密 案糊名謄錄日知錄卷十七第  
十九頁詳言之 老學庵筆記卷五本朝進士初亦  
如唐制兼采時望真廟時周安惠公起始建糊名法  
一切以程文爲去留

古今人表許繇巢父爲二人譙周古史攷許巢爲一人

案澗泉日記引琴操曰許由夏則巢居冬則穴處  
飢則仍山而食渴則仍河而飲堯大其志禪爲天子

由曰放髮靈游所以安己不懼弄以貪天下也

黃霸傳鸚雀顏氏注當爲鴝徐楚金夜說文當爲鴝案

鸚鵡閒評卷二宋景文筆記辨漢書黃霸傳鸚雀云云此說良有理以余觀之恐非官本之誤何以知其然蓋玉篇云鴝音何葛切鳥似雉而大青色有毛角鬪死而止又云鴝音扶云切鴝雀似鴝玉篇見漢書注有此鴝字故出此鴝字玉篇蓋唐人作以是推之則自唐以來已自作鴝字矣初非官本之誤也又曰人主好尙不可不謹也嘗疑漢宣時祥瑞不應如是之多及觀黃霸傳以鴝雀爲神雀便稱祥瑞非張敞力辨其非是則宣帝又以爲然

困學紀聞補注卷十三

清鄭張嘉祿肖莛著

男壽鏞校刊

考史

翟公異謂范蔚宗書語近詞冗 案庶齋老學叢談上  
范曄泰之子也家世文學父祖敷歷並有名前代泰  
能使王宏推讓大權曄乃助義康爲逆被誅籍其家  
樂器服玩並皆珍異妓妾不勝珠翠其母則居止單  
陋弟子冬無被叔父單布衣至市臨刑家人悉至曄  
見妻則笑見母呼泣而曄無言見妓妾乃怨涕流連  
是爲不忠不孝之人後世乃讀其後漢書安得大手  
筆重爲修纂削其名可也

困學紀聞補注 卷十三

一

四明叢書  
約圖刊本

呂成公謂馬援遺書王昶戒子舉可法可戒者以教之  
云云 案澗泉日記卷中晁子止曰馬援戒兒子嚴  
敦不得言人過而杜季良坐援書免官是先自言人  
過矣王昶名諸子以默沈渾深戒不得毀人乃指魏  
諷曹偉爲傾邪是先自毀人矣皆非反身之義 昶  
名其兒子曰默曰沈子曰渾曰深 文舒王昶字

招白閒白閒猶黃閒也注云弓弩之屬 案史記李將軍列傳以大黃射其裨將集解徐廣曰南都賦曰黃閒機張善弩之名 文選潘岳射雉賦捧黃閒以密殼徐爰注黃閒弩名也張衡云黃閒機張一名黃肩 此條楊升庵外集全襲之

蔡邕文今存九十篇 案日知錄卷十三第四東京之末節義衰而文章盛自蔡邕始其仕董卓無守卓死驚歎無識觀其集中監作碑頌則平日之爲人可知矣以其文采富而交游多故後人爲立佳傳

園學紀聞補注

卷十二

二

四明叢書

約園刊本

舊俗以介子推焚骸有龍忌之禁 案介子推事日知錄卷二十五有辨證

司徒堯也 案文心雕龍詔策篇曰光武撥亂留意斯文而造次喜怒時或偏濫詔賜鄧禹稱司徒爲堯敷責侯霸稱黃鉞一下若斯之類實乖憲章 相如視草見淮南王傳

魏有篡弒翁注魏司馬師廢齊王芳而立高貴鄉公髦司馬昭弒高貴鄉公而立常道鄉公璜 案與本名璜封常道鄉公司馬昭迎立之更名矣 翁注又引

濮陽興張布廢休太子璽而立孫皓 案濮陽以地

爲氏興字子元 璽讀如變見卷八第三十九頁注

八陣圖 案文選封燕然山銘李善注引雜兵書八陣

者一曰方陣二曰圓陣三曰牝陣四曰牡陣五曰衝

陣六曰輪陣七曰浮沮陣八曰雁行陣

鄧艾取蜀行險以徼幸翁注引艾傳先登至江由 案

江由蜀漢戍今爲縣屬四川龍安府

傅元之言得之 案晉世祖泰始元年以傅元爲諫官

日知錄卷十三閻氏注引之

國學紀綱補注

卷十三

三

四明叢書  
列國刊本

東都之季或附曹羣亡漢 案朱子聚星堂畫贊曰或

乃附曹羣亦忘漢嗣守之難古今共歎

三世長者知被服五世長者知飲食 案老學庵筆記

五隆興間有揚州帥貴戚也宴席閒語客曰諺謂三

世仕宦方解著衣喫飯欲作一書言衣帽酒榼之制

未得書名通判鮮于廣蜀人卽對曰公方立勳業未

暇及此請先立名曰逸居集帥不之悟有牛簽判者

輒操齊音曰安撫莫信此是通判罵安撫飽食煖衣

逸居而無效則近於禽獸是甚言語帥爲發怒赧而

昔秦得金策謂之天醉 案浩然齋雅談李商隱詩云  
咸陽宮殿鬱嵯峨六國樓臺豔綺羅自是當年秦帝  
醉不關天地有山河末句殊不可曉南昌裘聞詩以  
爲秦帝合作天帝天地合作秦地事在張平子西京  
賦曰昔者云云史載秦地雨金三日金誤隕其是耶  
嗚呼天帝果有時而醉乎

無木可梟元海頭翁注引晉書元海入都蒲子 案蒲  
子卽春秋晉蒲城

陶淵明讀史述夷齊云 案淵明讀史述九章首夷齊

困學紀聞補注

卷十三

四四明叢書  
約園刊本

次箕子管鮑程杵七十二弟子屈賈韓非魯二儒張  
長公

陳不聞力戰之將隋文所以衡行而無所忌翁注引隋  
書韓擒傳 案湛園札記卷一齊張雕虎隋韓擒虎  
皆複名史避諱於韓則稱擒而去虎字於張則改爲  
雕然韓擒名著史籍雕虎非齊書幾不知其原名矣  
文苑傳序稱常侍張雕與韓擒一例於此猶可會意  
原注韓擒一作禽隋書云禽本名擒虎

正始中王何好莊老 案晉書儒林傳序曰摛闕里之

典經習正始之餘論指禮法爲流俗目縱誕以清高  
此則虛名雖被於時流篤論未忘乎學者是以講明  
六藝鄭元王肅爲集漢之終演說老莊王弼何晏爲  
開晉之始

梁武帝時錢陌減始有足陌之名云云 案日知錄卷

十一短陌條考證甚詳

葵不恤緯 案袁絜齋願豐樓記葵不恤緯而憂宗周  
之隕女居漆室而念嗣君之弱此天地之常經人心  
之靈所不能自己者況嘗服休服采者乎絜齋集十

困學紀聞補注 卷十三 五四四明叢書 約園刊本

盜爲袁粲死不作褚淵生一條 思古弔今與卷十二

欲補傳西漢節義同意

困學紀聞補注卷十四

清鄭張嘉祿肖蒼著

男壽鏞校刊

考史

貞觀政要 案貞前後皆作正避宋諱也應歸一律

新史尚奇類此 案全唐詩話徐彥伯爲文多變易求

新以鳳閣爲鸞閣龍門爲虬戶金谷爲銑溪玉山爲

瓊岳竹馬爲籛驂月兔爲魄兔進士效之謂之澀體

韓文公子昶 案雲谷雜記二韓昶退之子兒時卽

困學紀聞補注 卷十四

卷十四

一四明叢書

約園刊本

以詩動孟東野今東野集有喜符郎詩有天縱之篇

符蓋昶小字後登長慶四年進士亦可謂能世其家

矣韋絢劉賓客嘉話錄李綽尙書故實皆云昶爲集

賢校理史傳中有說金根車處悉改根爲銀此說恐

未必然李綽之說蓋本於韋絢絢乃執誼之子又嘉

話錄所載大抵詆退之處甚多如云韓十八直是大

輕薄及忿席舍人草貶詞之類皆不足信

李晟每戰必錦裘繡帽自表 案寶孺閒評六王則之

叛貝州也在軍中常裹帽人見其花帽皆知是則也

至就擒花帽終不去身甚矣夫則之愚也

司空圖房太尉詩曰物望傾心久旬渠破膽類。案楊升庵集五十一卷杜子美挽公詩所謂一德興王後亦指此事唐書因其陳濤斜之敗遂沒其善可惜也房瑄後謫廣漢有政績唐詩人多稱仰之

韓偓自書裴郡君祭文一條。案老學庵筆記黃巢之入長安僖宗出幸豆盧瑑崔沆劉鄴于琮裴諗趙濛李溥李湯皆守節至死不變鄭棊鄭係不臣賊舉家自縊而死以靖康京師之變言之唐猶爲有人也

困學紀聞補注

卷十四

一

四明叢書

約園刊本

香奩集乃和凝所爲嫁名韓偓注見卷十七第二十二頁。日知錄并錄韓偓事

李日月爲朱泚將。案李希烈之黨有韓霜露朱泚之黨有李日月見卷二十第二十七頁

寒食野祭而焚紙錢。案涑水紀聞王嗣宗不信鬼神疾病家人爲之焚紙錢祈禱嗣宗聞之笑曰何事鬼神敢向王嗣宗取枉法贓耶。嗣宗人不足取。宋戴

埴鼠璞上法苑珠林載紙錢起於殷長史唐王璵傳載漢來皆有瘞錢後里俗稍以紙寓錢王璵乃用於

祠祭今儒家以爲釋字法於喪祭皆屏去予謂不然  
之死而致死之不仁之死而致生之不知謂之明器  
神明之也漢之瘞錢近於之死而致生以紙寓錢亦  
明器也與塗車芻靈何以異俗謂果資於冥塗則可  
笑

寓龍寓馬 秦李奇曰寓奇也寄生龍形於木也顧氏  
日知錄卷二十七曰此說恐非古人偶寓通用木寓  
木偶也引史記漢書爲證

范質欠世宗一死 案涑水紀聞一次祖嘗稱質之賢  
曰惜也但欠世宗一死耳

西學紀聞補注

卷十四

二二

四明叢書

約園刊本

人心之公是非 案日知錄卷十三第四十四頁陳思  
王植初封臨菑侯聞魏氏代漢發服悲哭司馬順宣  
王第五子通之子初封習陽亭侯及武帝受禪歎曰  
事乖唐虞而假爲禪名遂悲泣滕王瓚隋高祖母弟  
周宣帝崩高祖入禁中將總朝政瓚聞召不從曰作  
隨國公恐不能保何乃更爲族滅事耶 擬式事又  
見劉克莊跋謂終於太子少師詳上第三十四頁注  
又曰東觀餘論以擬式終太子太傅而五代史云

終太子太保未知孰是

困學紀聞補注

卷十四

四

四明校書  
約圖刊本

困學紀聞補注卷十四

困學紀聞補注卷十五

清鄭張嘉祿尙莽箸

男壽鏞校刊

考史

文鑑所取如徐鼎臣君臣論云云 案宋文鑑臨安書坊先有聖宋文海孝宗得之命本府校刻益公請加銓擇屬之呂伯恭書成賜名皇朝文鑑有近臣密啓云奏議中有詆及祖宗政事者不可示後世乃更命直院崔大雅增損後有道學之禁以有伊川文遂詆伯恭上不復降出此書當時迄未刊也

困學紀聞補注

卷十五

一四明叢書  
約圖刊本

高宗廟號未定 案夔臚閒評三徽宗初踐阼詔以建中靖國改是時羣臣或有言建中乃唐德宗時年號徽宗竟不之從此已兆播遷之禍矣凡改元紀號最忌與前世諡號陵名相犯宋熙寧崇寧二名乃南朝章后宣后二陵名也亦當時文臣不學之故

前有穆修鄭絛輩 穆參軍集三卷附錄遺事一卷

高宗閱刑部奏案有生人婦 案老學庵筆記卷八湯岐公初秉政偶刑寺奏牘有云生人嬖者高廟問此

有法否秦益公云法中有夫婦人與無夫者不同上  
素喜岐公顧問曰古亦有之否岐公曰古法有無臣  
所不能記然生人婦之語蓋出三國志杜畿傳上大  
驚乃笑曰卿可謂博記矣益公陰忌獨對岐公純篤  
不忌也 又卷四湯丞相封慶國公命下湯謂此仁  
宗賜履之國辭之改封岐

唐及國初策題甚簡 案老學庵筆記卷六國初舉人  
對策皆先寫策題然策題不過一二十句其後策題  
寢多而寫題如初舉人甚以爲苦慶歷初賈文元公  
爲中丞始奏罷之

國學紀聞補注

卷十五

二 四明叢書

約園刊本

一韓一范 案老學庵筆記一予在南鄭見西陲俚俗  
謂父曰老子雖年十七八其子亦稱老子乃悟西人  
所謂大范老子小范老子蓋尊之以爲父也建炎初  
宗海霖留守東京羣盜降附者百餘萬皆謂汝霖曰  
宗爺爺蓋此比也

元祐諸賢條翁注引鶴山跋任諫議伯雨帖云云

案任伯雨初爲右正言半歲之間凡上百八疏建中  
靖國元年罷權給事中 而鄧洵武愛莫助之圖云

云 秦鄧洵武愛莫助之圖如史記年表例旁行七  
重別爲左右詳見通鑑徽宗紀

虞公以玉失國楚子常以佩喪邦 案楚瓦好賄郢城  
危晉寅求貨霸業衰秦賂讒牧遷爲虞漢金閭增城  
敗羽見卷一第二十五頁

自荆舒之學行云云 案湛園札記卷四人知王介甫  
罷春秋進講案曲洧舊聞熙寧元年冬介甫初侍經  
筵未嘗講說上欲介甫講禮記至曾子易簣事介甫  
於倉猝閒進說曰聖人以義制禮其詳至於牀第之

困學紀聞補注 卷十五

二三四明叢書

約圖刊本

閒上稱善安石遂言禮記多駁雜不如講尙書於是  
罷禮記然則介甫不獨廢春秋講讀亦罷講禮記矣  
鄒浩諫立劉后 案鄒浩疏續資治通鑑備載之

校其文藝等爲三品 案依太學三舍法考選事在哲  
宗元符二年十一月

困學紀聞補注卷十五

困學紀聞補注卷十六

清郵張嘉祿肖葺著

男壽鏞校刊

考史

兩漢河渠考

續漢書河關西可千餘里 案水經注作去玉門陽關

千三百里廣輪四百里

劉仲馮曰今渭汭至長安僅三百里云云 案劉仲馮

語凌稚隆漢書評林亦引之

困學紀聞補注 卷十六

一四明叢書  
約圖刊本

兩漢崇儒考

武帝建元五年置五經博士元朔五年爲博士置弟子  
員晉灼曰西京無太學 案大慶攷古質疑卷三第  
六頁辨西京無太學與此同

困學紀聞補注卷十六

困學紀聞補注卷十七

清鄭張嘉祿肖菴著

男壽鏞校刊

評文

左氏屈原始以文章自爲一家 案周密浩然齋雅談  
涪翁云章子厚嘗言楚辭蓋有所祖述初不謂然子  
厚曰九歌蓋取諸國風九章蓋取諸一雅離騷蓋取  
諸頌攷之信然

瓊赤玉也雪賦林挺瓊樹注以爲誤 案襄陽閒評卷

困學紀聞補注 卷十七

一 四明叢書  
約園刊本

三第二韓退之雪詩云今朝踏作瓊瑤跡又雪詩云  
疑是屑瓊瑰皆比雪爲瓊者以其白也許慎說文則  
云瓊赤玉也石曼卿紅梅花詩云繁萼香瓊亂殘英  
絳雪遺謂此耳若以余觀之瓊未必是赤玉恐叔重  
言之誤也 瓊赤玉也初學記二十七御覽八百四  
引逸論語

送窮文小點大癡 案雲谷雜記二韓退之段成式皆  
有送窮文退之之作固不下成式姚鉉編文粹錄成  
式而不取退之平淮西碑亦只載成式父文昌所作

舉此一端謂得唐文之精粹可乎

韓作師說

案洪景盧曰余觀退之師說云弟子不必不如師師不必賢於弟子其言非好爲人師者也

兩河之寇盜雖除

案雖除柳集作難除

原注文苑英華辨證

案文苑英華辨證十卷宋彭叔

夏因周必大所校文苑英華而作

毛穎傳

案王楙野客叢書毛穎傳如自結繩以至秦

陰陽卜筮占相醫方族氏山經地志九流百家之書

皆所詳悉此意出於蔡邕成公綬筆賦郭璞筆實異

函學紀聞補注

卷十七

一四明叢書

約園刊本

時文嵩作松滋侯傳司空徒作容成侯傳而本朝東

坡先生作羅文等傳其機杼又自退之始也

王勃傲其語

案野客叢書王勃云落霞與孤鶩齊飛

秋水共長天一色當時以爲工僕觀駱賓王集亦曰

斷雲將野鶴俱飛竹響共雨聲相亂曰金飈將玉露

俱清柳黛與緗荷漸歇曰緇衣將素履同歸廊廟與

江湖齊致此類不一則知當時文人皆爲此等語且

勃此語不獨見於滕王閣序如山亭記亦曰長江與

斜漢爭流白雲將紅塵並落歐公集古錄載德州長

壽寺碑與西清詩話如此等語不一攷湛淵靜語王勃滕王閣序層臺聳翠上出重霄飛閣流丹下臨無地卽王少頭陀寺碑文層軒延袤上出雲霓飛閣逶迤下臨無地落霞與孤鶩齊飛秋水共長天一色卽庾子山馬射賦落花與芝蓋齊飛楊柳共春旗一色以爾雅天雞有二問之翁注王安石退居金陵作字說二十四卷 案老學庵筆記二字說盛行時有唐博士耜韓博士兼皆作字說解數十卷太學諸生作字說音訓十卷又有劉全美者作字說偏旁音釋一卷

國學紀聞補注

卷十七

三

四明叢書

約園刊本

字說備檢一卷又以類相從爲字會二十卷故相吳元中試辟雍程文盡用字說特免省門下侍郎薛稷明作詩奏御亦用字說中語予少時見族伯父彥遠和霄字韻詩云雖貧未肯氣如霄人莫能曉或叩之答曰此出字說霄字云凡氣升此而消焉其奧如此樂於榮啓期 案榮啓期事又見列子天瑞篇說苑雜言篇新序新序今本已佚太平御覽三百八十三引所載俱大同小異說苑雜言作吾年已九十五漢書家語作榮聲期

一詩一賦豈足以盡豪傑之士集證引桑世昌蘭亭考  
修禊之會人各賦詩 案宋黃常明碧溪詩話十曲  
水修禊之會人各賦詩成兩篇者自右軍安石而下  
纔十一人成一篇者郗曇王豐之而下十五人詩不  
成罰觥者凡十六人 世說新語企羨篇注王羲之  
臨河敘列序時人錄其所述右將軍司馬大原孫丞  
公等二十六人賦詩如左前餘姚令會稽謝勝等十  
五人不能賦詩罰酒各三斗

崔實政論

案崔實政論惟文選吳都賦注王元長策

困學紀聞補注

卷十七

四四明叢書  
約園刊本

秀才文注引之鮑昭放歌行注亦引之見卷十三第  
六頁

月而日之星而辰之方樸山云其原出於莊子之尸而  
祝之社而稷之 案方氏之說楊升庵已言之

困學紀聞補注卷十八

清鄭張嘉祿肖蒼著

男壽鏞校刊

評詩

古辭雞鳴高樹巔狗吠深宮中陶淵明歸田園詩二句  
倣此 案宋張戒歲寒堂詩話上淵明狗吠深巷中  
雞鳴桑樹巔本以言郊居閒適之趣非以詠田園而  
後人詠田園之句雖極其工巧終莫能及又曰此景  
物雖在目前而非至閒至靜之中則不能到此味不  
可及也

困學紀聞補注 卷十八

一 四明叢書  
約園刊本

左傳有虞殯莊子有緇謳非始於田橫之客 案顏氏  
家訓文章篇挽歌辭者或云古者虞殯之歌或云出  
自田橫之客皆爲生者悼往苦哀之意

老萊子曰人生於天地之間寄也 案尸子引老萊子  
語文選陸士衡豫章行注陶淵明歸去來辭注亦引  
之

東方朔有八言七言 案唐皮日休松陵集序三言者  
振振鷺鷺子飛是也五言者曰誰謂雀無角何以穿

我屋是也六言者曰我姑酌彼金罍是也七言者曰  
交交黃鳥止於桑是也九言者曰河酌彼行潦挹彼  
注茲是也 七言八言顧氏曰知錄卷二十一可互  
證 明謝榛四溟詩話塵史曰王得仁謂七言始於  
垓下歌柏梁篇祖之劉存以交交黃鳥止於桑爲七  
言之始合兩句爲一誤矣大雅曰維昔之富不如時  
頌曰學有緝熙於光明此爲七言之始亦非也蓋始  
於擊壤歌帝力何有於我哉

最後有次韻 案詩之次韻日知錄卷二十一亦詳言

困學紀聞補注

卷十八

一四明叢書

約園刊本

之

自元白至皮陸翁注松陵集十卷唐皮日休與陸龜蒙  
唱酬詩凡六百五十八首 皮序曰松江吳之望也  
別名曰松陵請目之曰松陵集

韓文公城南聯句 案雲谷雜記卷四第十三茗溪漁

隱叢話曰

宋胡仔撰

雲浪齋日記云退之聯句古無此法

自退之斬新開闢予觀謝宣城集有聯句七篇陶靖  
節有聯句一篇杜工部集有聯句一篇則諸公已先  
爲之至退之亦是沿襲其舊自退之斬新開闢則非

也今考之漁隱所言亦未爲得聯句實起於漢柏梁  
臺非始於靖節諸人也又何遜李白顏真卿皆有是  
作亦不特謝宣城杜工部而止耳

忍事敵災星司空表聖詩也 案老學庵筆記亦載之  
可憐一覺登天夢 案夔牖閒評二夢固有足徵者殷  
高宗之夢傅說是也若漢文帝之夢鄧通豈其然乎  
通乃幸臣文帝欲貴之而恐羣臣力爭故託諸夢以  
爲辭聊以掩一時之口耳

唐以詩取士翁注高銜進五人詩賦奏云云 案高銜

國朝紀聞補注 卷十八

二三四明叢書  
約園刊本

進所試進士詩賦奏見唐詩紀事五十二

堯韭舜榮 案彭叔夏文苑英華辨證八梁元帝玄覽

賦堯韭舜榮本草昌蒲一名堯韭一本作堯悲非

古詩何能待來茲翁注公羊傳諸侯有疾曰負茲 案

楊升庵集七十九卷證負茲甚詳

蘭澤多芳草翁注引初學記梁元帝詩云春蘭本無豔

案彭叔夏文苑英華辨證九無豔初學記作無絕

案楚辭春蘭兮秋鞠長無絕兮終古則無絕字亦是

室廣致凝陰臺高來積陽 案文選枚叔七發李善注

亦引呂氏春秋室大多陰臺高多陽語

雁湖注荆公詩於明妃曲云云 案浩然齋雅談呂紫微明妃曲人生在相合不論胡與秦但取眼前好莫言長苦辛君看輕薄兒何殊胡地人其意固佳然不脫王半山人生失意無南北之策曰也

介甫詩今人未可輕商鞅商鞅能令政必行 案庶齋老學叢談卷中王荆公促織詩祇向貧家促機杼幾家能有一絢絲可謂有恤人之心然青苗之法和買和雇不恤人之政民受其害不能逃君子之責矣其詠商鞅云今人未可非商鞅商鞅能令政必行荆舒之心盡見於此

東坡文章好譏刺 案畢仲游貽東坡書曰夫言語之累不特出口者爲言其形於詩訝贊於賦頌託於碑銘著於序記者亦言也今知畏於口而未畏於文是其所是則見是者喜非其所非則蒙非者怨喜者未能濟君之謀而怨者或已敗君之事

張揖曰翠粲衣聲漢書作萃蔡 案楊升庵集六十三卷絳繅自是衣聲翠粲自是鮮明之貌不必同也略

賓王文縉翠萼於詞林粹鮮花於筆苑以翠對鮮可  
以證之高似孫緯略云翠謂鮮明之貌非色也

本於玉汝金吾之對 案疑曜一宋韓莊敏縝字玉汝  
初求字於歐陽文忠公公書玉女二字與之莊敏不  
樂及見殊有愠容文忠曰此女字古書原無點水君  
何怪耶乃取筆添女字傍三點水始相與大笑

田園圖史分貧富鼎甬樓臺辨有無洪舜俞詩用龐穎  
公寇萊公事 案宋黃徹碧溪詩話九萊公外傳記

公所得厚俸惟務施子寢處一青幃三十年有親厚

困學紀聞補注

卷十八

五

四明叢書

約刻刊本

者求之欲其易去公笑而答曰彼詐我誠雖做何害  
實不忍以做獲棄耳蘄者愧故魏野詩云有官云云  
及北使來願望搢紳而問迂者曰無地起樓臺相公  
安在其清望爲人所景慕如此然永叔歸田錄頗論  
其侈汰司馬溫公亦云豈非奢外而儉內與

輔嗣易行無漢學 案自輔嗣之學行而象數之說隱

見卷一第三十八頁

道鄉不可作承君不可忘何注田晝字 田晝事見明

本釋卷下二十八頁注 又見潤泉日記卷上第十

三頁十四行

攻媿先生書桃符云翁注引風俗通義東海朔山有大桃樹有二神一曰神荼一曰鬱壘 案楊升庵集卷七十一山海經云神荼鬱壘二神人主執惡鬼風俗通義作鬱律陸法言集韻壘音律神荼者神舒也鬱律者菀結也周代以荼爲舒夏后舒公子舒是也沈休文曰鬱壘者屈律也又爲鬱離王充云鬱壘崪嶮之類滕六葛三何云此之謂點鬼簿 案全唐詩話楊盈川爲文好以古人姓名連用號爲點鬼簿

困學紀聞補注

卷十八

六

四明叢書

約園刊本

韓退之示兒詩 案李治敬齋古今薈曰退之符讀書城南詩云金壁雖重寶費用難貯儲學問藏之身身

在卽有餘

此詩列本作身在則有餘攷異云則或作卽

困學紀聞補注卷十九

清鄭張嘉祿肖荈著

男壽鏞校刊

評文

鍾會取視爲定五字闕云本出郭頌世語 案楊升庵

集五十七卷亦引世語

料理出王徽之傳 案敬齋古今薙四料理之語見於

世說者三韓康伯母聞吳隱之兄弟居喪孝語康伯

曰汝若爲選官當好料理王子猷爲桓溫車騎參軍

困學紀聞補注 卷十九

一四明叢書  
約園刊本

溫謂曰卿在府日久此當相料理衛展在江州知舊

投之都不料理

閒介出長笛賦 案錢氏養新錄卷十九閒介無蹊李

善注引孟子證之朱文公孟子句始以山徑之蹊閒

爲句介字屬下句王伯厚謂閒介出長笛賦是數典

而忘祖也

竭來出思元賦 案東坡詩喜用竭來字

億載萬年爲父爲母四海九州悉主悉臣 案宋沈作

喆萬簡前輩謂今古文章無不可作對者如以不有

君子其能國乎對長爲農夫以沒世矣以九州四海  
悉主悉臣對億載萬年爲父爲母

九方堙機深識妙 案九方之名莊子作馭桓譚新論  
作謹淮南子作堙列子前淮南子數百年列子作九  
方皋

困學紀聞補注卷二十

清鄭張嘉祿肖箕著

男壽鏞校刊

雜記

列子曰務外游不如務內觀陸游字務觀本此翁注黃庭堅字魯直魯直二字出柳文先友記 案瓊牖閒評三嬾真子錄載黃太史名庭堅字魯直其義不可解或曰慕季文子之逐菖僕故字魯直恐未必然也庭堅乃八愷之名本朝仁宗重魯崇道之爲人嘗書曰魯直豈太史慕二公之堅直字而名之意或在是耶

困學紀聞補注 卷二十

一四明叢書  
約園刊本

戴勝善嘯 案文選張平子思元賦戴勝愁其旣歡兮

又謂余之行遲李善注山海經曰西海之南流沙之濱赤水之後黑水之前有大山名曰崑崙之邱其下有弱水之淵環之有人戴勝虎齒豹尾穴處名王母又曰西王母其狀如人戴勝是司天之屬

唐西域傳未祿有軍達泥婆羅獻波稜皆菜名也 案瓊牖閒評波稜出西域泥婆羅國軍達出大食國今

四字皆加草於上可見字書之誤

士之有誅自此始也 案文心雕龍誅碑篇自魯莊戰

乘邱始及於士

以土牛經四篇頒示天下姚注說郭載土牛經一寫

案寫楊慎轉注古音音樛卽說文糾字道書借爲卷

數之卷直書作寫同卷蓋从省文 楊慎集道書以

一卷爲一寫音周與軸通陶九成說郭用之佛書以

一條爲一則洪景廬容齋隨筆史繩祖學齋佔畢用之

於竊鉄而知心目之可亂翁注引列子扣其谷而得其

困學紀聞補注 卷二十

一十四明叢書

約園刊本

鉄 案扣古掘字

於拾煤而知聖賢之可疑翁注引呂氏春秋嚮者煤矣

入韻中 案今本呂氏春秋譌作煤室此依文選注

王氏讀書雜誌曰文選注所引良煤二字誤倒其引

高注哀讀作臺當是臺讀作良良爲正字臺爲借字

畢校本據文選注改煤爲煤良非也 家語良煤作

怡墨今本良誤爲埃墨煤古同聲

掇蜂投杼翁注白香山詩云曾家機上聞投杼尹氏園

中見掇蜂 案此詩周密浩然齋雅談亦載之 文

選陸士衡君子行掇蜂滅天道拾塵惑孔顏

梁元帝孝德傳天性讚曰 案天性讚生之育之長之  
畜之顧我復我答施何時欲報之德不可方思涓塵  
之孝河海之慈廢書歎息泣下漣沔

漢華山廟碑翁注引宋董道廣川書跋云云 案岱山  
數語係張昶西嶽華山堂闕碑銘

見舌而知守柔 案常樅張其口而示老子曰吾舌存乎  
見說苑

八稱八米盧郎 案杭世駿跋高士奇天祿識餘曰八

困學紀聞補注 卷二十

一二四明叢書

約園刊本

米盧郎見之齊隋兩書姚寬叢語云蓋關中語歲以  
六米七米八米分上中下言在穀取米取數之多也  
黃山谷徐師川何嘗誤用乃用元微之八采詩成未  
伏盧爲證是知一未知二也

錯綜成文非始於吉日辰良姚注引宋陳善捫蝨新話  
曰楚詞以日吉對良辰以蕙葳蒸對奠桂酒此是古  
人欲錯綜其語 案敬齋古今艱論楚辭蕙肴蒸兮  
蘭藉奠桂酒兮椒粢及韓退之羅池廟碑春與猿吟  
兮秋鶴與飛謂欲相錯成文則語矯健又論韓詩准

之水舒舒楚山直叢叢謂之避對格然子攷諸古文則不獨錯綜於對屬之間至於散語亦多有之若荀子勸學篇云青出之藍而青於藍水水爲之而寒於水莊子徐無鬼篇市南宜僚弄丸而兩家之難解孫叔敖甘寢秉羽而郢人投兵之類皆是也

歐陽公記醉翁亭用也字 案後山詩話少游謂醉翁

亭記亦用賦體

風行水成文曰漣老泉謂風行水上渙 案楊升庵集

七十四卷文選賦有物色一類李善云有物有文曰

困學紀聞補注 卷二十

四四明叢書

約園刊本

色風雖地氣然亦有光毛萇詩注云風行水上曰漪  
易曰風行水上渙渙渙然卽有文章也案老泉文甫  
字說本之易衍之詩注而發其旨者李善也

巧言爲辯文字爲學 案字彙補辯字本作誓北齊書

柳誓名取此譌作誓

王簡棲頭陀寺碑 案入蜀記頭陀寺在鄂州城之東

隅石城山後有南齊王簡棲碑唐開化六年建韓熙

載撰碑陰

困學紀聞補注卷二十

後序

壽鏞既刻困學紀聞補注爰拜手而書於後曰嗚呼先君子豈欲刻斯書哉生平高氣節而不自名氣節好問學而不自曝問學著書立說雖及門高弟有求觀而無從得之者蓋欲然常以爲未足終身如是溯乙酉丙戌丁亥之交先君子官詞曹始讀困學紀聞日有常課隨讀隨檢書筆而記之壽鏞侍側年方十一二三歲但見書楣之上題綴殆徧初不知先君子所以參攷互證者蓋得之於全翁諸家之外意在厚集其說也迨與臺選

困學紀聞補注後序

四明叢書

約園刊本

益求有以經世者不獲從容於著述晚年多病又復感憤時事病時猶告壽鏞曰深寧學問豈盡心於文字者蓋將以明道也困學紀聞一書於君子小人消長之幾人心風俗維繫之故言之最切吾是以致力於斯汝輩誌之嗚呼言猶在耳而先君子之歿於茲三十有五年矣今讀補注以履霜戒於未然引劉荀明本釋防微銷患爲言先君子之意可知矣然則先君子雖不欲刻斯書而一生精神之所在棄置不存又豈壽鏞所敢哉注凡二十卷依翁本之舊壽鏞就所筆者錄之未敢增損

原書謹藏於家子孫其保守弗失陳君伯弢爲先君子  
高第弟子一再校斯注俾小子稍免罪戾有可感焉因  
並及之乙亥冬男壽鏞識

困學紀聞補注

校序

一四明叢書  
約園刊本